

Хъаннинсса ва кулпатрансса журнал

# Зунттал Хъамми

№ 6 / 2024

ISSN 0132-9634

**Альбина  
Шутунова**

*Ттун ххирар  
пикри байсса  
орчIру...*

Щуллу-сагъшиву

Кулпатрал шин

Цаннара цIа куса  
даву

Инсан

Щусса ник



«Женщина Дагестана»  
на лакском языке  
№ 6/2024

**Учредитель:**

Агентство информации и печати  
Республики Дагестан

**Главный редактор**

Х. А. Шамилова j-dag@mail.ru

**Редакционная коллегия:**

**заместитель главного редактора**

С. Х. Булгаева sulgi65@mail.ru

**Ответственный секретарь**

Н. М. Керимова kerimk@mail.ru

**Редактор русского выпуска**

Г. Х. Асадулаева musaeva\_gulnara@mail.ru

**Редактор аварского выпуска**

Б. Ш. Мухидинова bahu4y@mail.ru

**Редактор даргинского выпуска**

П. Г. Вагидова vagidova.2024@mail.ru

**Редактор кумыкского выпуска**

П. Х. Хайбуллаева bike-1970@mail.ru

**Редактор лакского выпуска**

А. Ю. Абдурахманова delia25@mail.ru

**Редактор лезгинского выпуска**

Н. Н. Ибрагимова shikhnabieva1981@mail.ru

**Редактор табасаранского выпуска**

С. М. Исрафилова suvaynat@mail.ru

**Корреспонденты:**

А. Тажудинова

В. Ратенкова

Р. Бакидов

**Заведующая редакцией**

С. М. Гамзатова

**Художественный редактор**

Г. А. Курбан-Адамова guleymat@mail.ru

**Адрес редакции и издателя:**

367018, Республика Дагестан,  
г. Махачкала, пр-т Насрутдинова, 1а.  
j-dag@mail.ru; zhenshina\_dag@e-dag.ru

Журнал отпечатан в типографии:  
ГАУ РД Издательский дом «Дагестан».

г. Махачкала, пр-т Насрутдинова, 1а.

**Телефоны редакции:**

65-00-36, 65-00-37, 65-00-39, 65-00-40.

Официальный сайт  
журнала «Женщина Дагестана»:  
женщинадагестана.рф

Дата выхода в свет 22.12.2024 г.

Формат бумаги 70 x 100 1/16.

Объем: 5,5 усл. печ. л.

Заказ № 112. Тираж (4061) 412 экз.

Журнал для семейного чтения. Издается с 1957 г.

Выходит на аварском, даргинском, кумыкском,  
лакском, лезгинском, русском, табасаранском  
языках один раз в два месяца.

Свидетельство о регистрации СМИ ПИ

№ ТУ05-00429 выдано Управлением Федеральной  
службы по надзору в сфере связи, информаци-  
онных технологий и массовых коммуникаций по  
Республике Дагестан.

**Арт-директор** – М. Ю. Моллакаев (MagNazar)

**Фотограф** – Б. Д. Курбанов

## Журналдануву бумур

2. Пишакар  
*«Тун ххирар пикри байсса орчру...»*
6. Цуллу-сагъшиву  
*Иппотерация цинянан мюнтатсар!*
10. Элму ва оьрму  
*«Зул институтраву бомба  
буллалиссарив?»*
14. Тгизаманнул инсан  
*Хиялданучлан нани ххуллий*
18. Кулпатрал шин  
*Оьрму,ул мяъна оьрчлаву,р дусса*
22. Цаннара цла куса даву  
*Цала кIанаI цувасса инсан*
26. Оьрмудувасса хавар  
*Плакъсса ччаву гьарзатфяр ххувсар!*
30. Культура  
*Ихтилат банну театрал зумуну*
34. Инсан  
*Оьрмулий барачат бивхьумур*
40. Цусса ник  
*Вайнаяр хьунтIисса миллатрал  
цIа-къини бохттул дансса  
пишакартал*
44. Пишакар  
*«Тун кулссия нава юрист  
хьунтIишиву!»*
48. Гьунарду  
*На... Марьям Казиева...*
52. Кулпатрал шин  
*Оьрму, къавтIаеву, ччаву...*
56. Цухь,ул луттиравуасса царсса  
  
*POST scriptum*
57. Философия жизни  
*Путь мудреца*
62. Традиции  
*Пальтары, человек «с большой ногой»  
и шуточное воровство*

На обложках:

I – Альбина Шутунова, директор ГБОУ РД «РМЛИ ДОД»

IV – М.-А. Джемал. Зима в Анди, 1932 г.

# Ца лахІза кунна ларгсса шин ...

Редакторнал махъ



Вана лерххун ларгун жула оьрмулуд ца шин уттигу! Жун ва шин бигъасса дакъая, хъуннасса даву дан багъунни, мунишала архІал ва хъунни хъинну яргесса ва дюрхъусса шин. Жуйтура нанисса шинал жу цІу дуккан дарду журналданул чІалачІин, мукун жу хъуссару «Лучший дизайн» цІанилусса номинациялий «Шалва Аьрасат - 2024» тІисса Ттизаманнул журналистикалуд XXVIII форумрал творческий конкурसरал дипломантЪтал. Ва так дайдихъур тІисса пикри бур жул.

Жу гьуртту хъуру хъунисса площадкарттай хъусса мероприятиярттавугу, масала, Грозналий хъусса шалва Аьрасатнал хъаннил форумрай, шикку жу жула журналданул презентация дарду. Шикку «Дкагъусттаннал хъами» журналдания цІа дурунни «Аьрасатнал хъаннил союзрал» председатель Екатерина Лаховал, ванил жул журналданийн увкунунни Ухсавнил Кавказнаву ва шалагу Аьрасатнаву циха лавхъхъусса цамур бакъасса хъаннил издание куну, жун ми махъру хъинну тІааьн бивзунни.

Жу чялишну гьуртту хъуру «КІяла кьурукьирттал гъантри» тІисса XXXVIII фестивалдануву – Хунзахъ, Гъунив, Дербентлив ва МахІачкъалалив. Жуйн оьвкунни Геленджикрайн XX-мур Дунияллул элмийсса форумрай гьуртту хъун, жу мукунма гьуртту хъуру XVII-мур Дунияллул конференциялуду «Хъами ва Аьрасатнал ва дунияллул культура».

Московлив миллатирттал Къатлуду кІицІ лагарду жула журналданул цалчинми редактортуравацца УмурахІил Шапиевал 100 шинал юбилей. Жу информациялуд партнёрталну бивкІссару печатный графикалуд «Кубачинская башня» тІисса IV Дунияллул биенналелий ва XI-мур Северокавказский международный книжный «Тарки-Тау – 2024» фестивалданий, чІявусса цаймигу иширттаву.

Оьрму – му хъьичІунмайсса хъитри, жувагу, жул ххирасса буккулт, зушал архІал хъьичІунмай хъит тІутІиссару. Жул ряххулчинмур номергу шинал ахирданий буклай бухъувкун, ЦІусса 2025-ку шинал жунна циняннан жу чІатІий буру дунияллий дакъаву, цІуллушиву, ва гьарца чулуха авадансса оьрму – рувхІаниймур ва дунияллиймур аваданшивугу Заннаятур. Ялагу чІатІий буру зун тирхханну, рахІатшиву ва талихІ! Бюхълай личІаннав !!!

A handwritten signature in black ink, appearing to read 'Hamis Shamilova'. The signature is stylized and fluid.

Хамис Шамилова,  
хъунмур редактор

Альбина  
Шутунова



# «Ттун ххирар пикри байсса оьрчІру...»

*«На бувну бура цимирагу никирай педагогтал бусса култраву. Шу бутІуй ттунма навагу пишалуву чІалай бакъаяв. Чичру мукунсса духъунсса».*

Укун цила къисмат учительшивуну чІалай бур Альбина Выборовна Шутуован, гъунар бусса оьрчІансса многопрофильный лицей-интернатрал директорнан. Ванил жухъ бувсунни ва къулдугърайн лахъаннинсса цила бивтсса ххулдия.

– Му бия пишалувунсса лахъисса, захІатсса ххуллу, аьркинну бия учительнал даврих шавкъ дикІан, яни школагу вила къатта хъун бан, оьрму школалун харж бан. Мукунсса тагъар дикІайва ттул нитти-буттал култравугу, мукунма буссия ттуламур култравугу...

Нину-пшу, цала пиша оьттү-ттүрчІавун бувхсса педагогтал, личІи-личІисса кІанттурдай ий бивкІун бур. Альбинал оьрчІшиву ларгун дур Лакрал райондалийсса Буршиял шяраву, цала чІивисса душгу нитти-буттал цащалва даврийн буцайсса бивкІун бур. Ванин ччяни буккин-чичин лавхъхъуну бур, цуппагу кюччахсса бивкІун бур, кІирагу ка – урчІамургу, киямургу ца куццуй ишласса. Амма, нину-пшу МахІачкъалалив бивзукун, душ кІилчинмур классравун чичин къамул къабувну бур, «къатІайлану чичІай бур» куну. Цаппара дуклаки шинну Ашхабадрайгу ларгун дур.

– Жу шанма ссу буру, – буслай бур Альбина Выборовна, – кІиннил язи дургъунни экономический образование, ттуннив най бунава кІулссия нава чара

бакъа учитель хъунтІшиву. Даин бикІайссияв луттирдащал, учебникирттащал лечІай. Историялуд факультет циван язи бувгъуссия учав? Цан бикІави, специальность «историк, историялуд ва обществознаниялуд учитель» – му дур гъанулуд специальность, жяматрал социал ва экономический оьрму ххуй баврицун дархІусса. Яла бивкІссара переподготовкалий – «Педагог-организатор. Проектирование и реализация социально-педагогической деятельности в рамках ФГОС», «Менеджмент в образовании: обеспечение развития эффективности деятельности образовательной организации» тІисса программалий.

Ванил оьрмулуду гъарца дуккаврил этап хъуну дур пиша лахъ буллалисса шачІану. Мукун, жагъилсса педагогнал пишалул дайдихъу хъуну дур МахІачкъалалал 5-мур школалий. Шикку ванин лавхъхъуну бур оьрчІай каялувшивгу дуллан, коллегахъащалгу маз лякълан. М. Г. Гамзатовлуд цІанийсса многопрофильный гимназиялуду зузаву тІурча хъуну дур цила пишалул опыт салкъи бансса этап. Ва бур барчаллагърай дакІнин утІай лицейрал директор Бадави Саидович Гаджиев, ванал хъуннасса къулагъас дайсса диркІун дур учительтурал ва учениктурал дуккаврил опыт салкъи баврих ва му хъирив наниминчІан биян баврих.



### *Учительнал методология*

– Ттуйнма РМЛИ ДОД-раву зун овькункун, ттун бувчлуна, ттула хъхьичи цусса горизонтру титлатишиву, личишиву му дия – дуккавил хъхьичи дахчичурду дакъашиву. Гъунар бусса оьрчансса Республикалул многопрофильный лицей-интернатраву зузаву – му дия личисса дуниял, миву гъунар бусса дуклаки оьрчру хладур буллай бия республикалул чул бищай клану хьун.

Кира шинавагу ва бивтун бур дуккавил учреждениелул директорну, ца шинал мутталий ванища бювхъуну бур цакаьсса коллектив дузал бан.

### *Дуккаврищал архал тарбиягу дулун*

Ва давриву директорнал къулагъас дуллай бур личностьрал характеристики-

калух, арантурал педагогикалул лицейраву личисса, гъанумур клану бугълай бур.

– Чун цана бигъасса дакъар, – тлар ванил, – ялун нанисса никираву кавказуллал хасият тарбия давриву педагогадиминалмур авторитетрая ихтилат бан багълай бур.

Лицейрал образованиелул авторитет гъаз хьуну дур, ванил итабакълай бунутгий ххуйсса кулшивуртту дусса, эрудиция дусса, Аьрасатнал машгьурсса вузирдавун буххан хъанахъисса выпускниктал. Му агъамсса затри.

– Хъуннасса агъамшиву дуссар, – тий бур Альбина Выборовна, – учительнал цала давриву сотрудничестволул педагогика ишла даврил, программалул материал тарбия бавривугу ишла дуллай, дуклакими Аьрасатгу, цала чиримур ватангу ххирану тарбия буллай, мин-

нал активныйсса граждан позиция хьун буллай, минная ас-намус бусса инсантал хьуншиврул.

Күлшивурттал кьатлул бажар бусса хозыйкал х'арачат буллай бур лицей-равусса оьрч'ру цахрасса аякьалуя ря-зину бик'аншиврул. Вай дуклай бур ца сменалий, лирч'мур кьини шикку най дур дополнительный обрзованиелул занятияртту. Лицейст'гал х'адур х'анай бур олимпиадарттаву, конференциярттаву гуртту хьун, зий бур проектный давриха, занай бур психологический тренингирттайн, элективный курсир-дайн ва кружокирттайн. Лицейравун буч'лайхтува, ххюлчинмур классрал оьрч'лаша бюх'лай бур цания ца направление язи дугьан: инженерно-технологический, естественно-научный, гуманитарный. Мунийну бюх'лай бур ми яла ЕГЭ-лийн х'адур бан. Му бак'яссагу, лицейрал учительтал чялишну зий бур ДР-лул ДИРО МОН-далул кафедрарттайгу, ДИРО-лул курсирдах вич'и дих'лахьиминнан т'ирт'гу дарсру ккаккан дуллай, ДР-лул ГЭК-рал экспертный предметный комиссиярттал член-талну гуртту х'анай.

Гьавасланну буслай бур директор «Цифровая инновационная среда» т'исса проектрая, мунил гьанумур идеягу дур «Информатика», «Математика», «Робототехника», «Физика» т'исса предметный бут'раву зузисса моделлу даву.

– Миннуйнуну точныйсса элмурду лах'лахьийни авадан х'анай бур инженерный пикри. Республикалул промышленный предприятияртташалгу лицейрал договорду дайссар, микку лицейст'гуран практикалул даву лах'хьаву мурадрай. Инновацияртту – мирихха дуккаврил процессрал гьану, – т'ий бур Альбина Выборовна. – Амма интерактивныйсса панельлал ч'арав дуссар укуннасагу, каних'сса мелданушалгу методру, миккугу цич'лав обькишиву дак'яссар.

Директор буслай бур цила уртакьту-ращал арх'лал сколковский проекту дачин дуллай бушиврия, миннуву даг'ьусттаннал школьниктал гуртту х'анай бушиврия. Педагогтурал ирглийсса проекту дур «Искусственный интеллект»

т'исса РМЛ центрданул базалий щаллу х'янах'яссса идеягу.

Цила даврих г'ыра бусса Альбина Выборовна цила уртакьтуравунгу, учениктуравунгу мукунмасса г'ыра бутлай бур. Каялувчинал шавкь коллективравунгу дияйссар т'ий бур ва. Буслай бур учительтуращал арх'лал оьрч'лал цукунсса кумаг буллай буссарив СВО-луву гуртту х'янах'ьиминнан: дронная буруччинсса маскировочный сеткартту щашлай бур, талатиминнан машина, тепловизорду, г'ели янна гьан дурну дур. Дайдирхьуну дур Курскалал област'ран кумаг бансса акция. Лицейст'гурач'ан бук'лай бур СВО-лий гуртту х'янах'яссса выпускниктал, буслай бур нацизмалушал тала-таврил бурж цала цукун биттур булла-лиссарив.

### *Цила ич'аллшлмур таг'ар ...*

Ахирданий жу ц'уххарду ниттил ч'увусса график кулпатраву цукун кьамул буллай буссарив. Альбина Выборовна пиш т'ий бур. Душ Луиза бур гинеколог, к'ива оьрч'лал дада; арснал, Адильгерейлул, к'уртал бувну бур ДГУ-рал юрфак, «Россетирдаву» юристну зий ур; арс Тимур арулчинмур классраву дуклай ур, ц'анава ур технар'.

– Оьрч'ан, оьрч'ал оьрч'ан х'унна-сса ч'ун харж дан ттуща к'яшай, амма ч'ун х'уний х'арачат бара му кулпатран хас дан. Кулпатрал заллу Малла Абдула-хович ч'ярусса шиннардий зий ивк'ссар паччах'луг'ьрал к'юлдуг'ьрай, ДР-лул Зах'матрал госинспекциялул х'унаманал заместительну. Муниягу мунан күлссар цуксса зах'матссарив ва жаваблувссарив каялувчинал к'юлдуг'ь. Лас, к'ятлул заллу, ттул яла ц'акьмур чул бищай к'анур. Кулпатравусса микроклимат – му циньявнал аякьа душиву ласнан күлссар. Му мукун бушиврий жул кулпатраву щинч'лав щак бак'яссар!

*Айшат Тажудинова*

Аминат  
Шамсудинова



# Иппотерапия циняннан мюнпатссар!

*Иппотерапия – му дучрай бурттий чурх цулду-цлакъ бавур, азар хъин давур. Иппотерапия цирив, мунил цукунсса асар биян байссарив, мукунсса лечение цукун дайдишин аьркинссарив бувсуни АНО «Центр развития для детей с особенностями развития и инвалидов детства «Мирадж» тИсса организациялуд хъунмунил, педагог ва иппотерапевт Аминат АхIмадовна Шамсудиновал.*

Ванин иппотерапия тIардайну кIудну дакъарча, 15 шин хъуну дур цуппа му пишалий зий. Цимурцаннул дайдихъу хъуну дур цила душ ПатIимат бувсса чIун. КIира шинава Аминатлуд хIисав хъуну бур душнил тIул-тIабиабтравцIун дархIусса аьжаившивуртту. Ванин гьалгъа тIун лахлай къабивкIун бур, цихъва гьалгъа тIийнигу я мимикалийну, я ссуку-къютIулийну цукунчIавсса реакция къадиркIун дур. ЛичIи-личIисса хIакинтурацIух буклай дачIишин хъуну махъ, душнин диагноз дирхъуну дур – аутизм.

– Та чIумал Дагъусттаннай мукун сагъ-саламатшивуву дахханашивуртту дусса оьрчан реабилитация дайсса центрду бакъая. ХIакинтурал ккаккан дурсса дарурттайнусса лечениелия кумаг къавхъуна. Душ ряххулчинмур шинавух най бия. Ганин гьалгъатIун къалавхъуна, так цаппара махъру механически тикрал буллалаву дакъа.

Кумаграх луглай, ттун Московлив льявкъуна «Бургил дуниял» тIисса реабилитационный центр, мунил программалуду дия иппотерапия. Душнин чу ккаккан баннин, га кIиллуду шябитаннин, на хъунмасса хIаллай ганихъ буслай буссияв чай бурттий гайз буллалаврия хъунмасса хIазгу, мюнпатту бушиву. Патя ссахчIав къулагъас къадуллалисса кунма чIалай бия, амма дучрай бурттий цайми оьрчIру заназисса ккаккукун, цакуну увкунна: кататься! Ва хъуна ванил цалчинмур цила ихтилат!

Иппотерапиялуд хъунмасса кумаг бувуна душ итхяххаврин. Патюлан кIула расписание, цуми къинирдай дуссарив чацалсса занятияртту; кIула, электричкалува бувккукун, цумур чулухунмай, чун бачин аьркинссарив – мунинин так на бувцунийн-я бачайсса.

Жу личIи-личIисса чIумуй мукъва иппотерапиялуд курс лавсъсар. Московлив буссаксса хIаллай на хIарачат байссия му метод бюхъайссаксса ххуйну кIул дан, Дагъусттаннайн кIурабавтаригу мукунсса центрдах луглан бикIайссияв, амма ми шикку бакъая.

Му чIумал на льявкъуссия «Джигит» цIанилусса спортрахун багъсса цулду-сагъсса оьрчансса конноспортивный школалуд гъанулий мукунсса центр саккин бавриха зунсса инсантал. Нава хасъсса курсругу бувккуну, дучрай буртти бикIаврин аьркинсса снаряжение ва амунициягу нара ларсун, Московлия, жува бивкIсса центрдания, МахIачкъалалийн инструктортал бучIан бувссия.

– *Зул Центр коммерческий бакъарив?*

– Бакъар. 2018-ку шинал декабрдания шихунмай жу багълагъиссару ДР-луд Образованиялуд министерстволлийн. Амма бакIрай на тIивтIуссия частный-сса центр. На даву дайдихлахийни, захIматну бия, дучрацал дархIумур цимурца ларкуну дия. Циняв школорду, ипподром. Жу циняв ведомстварттал хьулурдах бацIлай бивкIессару, ахиргу жул чIу бавуна, тIивтIуна дополнитель-

ный образованиялул школа «Джигит», мунича бивхуссия жула иппотерапиялул центрду. Цалчинми пациентътурал нину-пну цивпа буссия мунича зий. Бакъая инструкторгалду, дучригу – ца, клива тлий буккин укса!

Цана турча жул бур биялса коллектив. Сакин хьуну бур нитти-буттал ज्याмат, уквасса иппотерапиялул курсирдайн оьрчру заназисса кулпатру ттуршунния ливчуну бур. Гьарца шинах, цуксса хлайпнугу, мукунсса оьрчру гьарза хъанай бур. Ми кьамул бан жу хьирив лаллай бакъару, инсанталния цире – дучригума багьтат бур. Амма результатругу бурхха!

– *Цукунсса дур ялагу зул реабилитациялул направленияртту?*

– Жу театр ккаккан бару, байраннай мероприятияртту дару, 2021-ку шинал турча дишарду Марат Шахманов режиссерсса цалчинмур дучрал спектакль «ТалихIрал кьапулувух», муниву гьуртту хьуссар жул оьрчру бакъассагу Обруснал драмтеатрданулгу, опералул ва балетрал театрданулгу актёртал. Мукунма Цусса шинайнин жу бивхуссар

«Караматирттал кинтинил магъа». Дайссар маскарадругу. Зузиссаксса хIаллай жу шаллу дуллай буру цаппара агьамсса проектру. «Бургъий бурттий» – развитиелулу дяличIишивуртту дусса оьрчансса ва хьуниминнансса уквасса иппотерапиялул курсу. Мукунна гьарца шинах дайссар дяличIисса оьрчал ва миннал мачча-гьанминнал творчестволул межрегиональный фестиваль.

2021-ку шинал февральданул 14-нния байбивхьуну ДР-лул Национальный библиотекалуву зий буссар «Хиялданий гьава буллай». Микку буссар дяличIисса оьрчан ва миннал нитти-буттансса зуруй цал зузисса творческий мастер-классу. «На талихI бусса нинура» тIисса проект дуссар, мунил мурадну хъанахьиссар дяличIисса оьрчру хьуни буллаглисса ниттихъан психологиялул чулухасса кумаг баву. «Шаг вперед!»

«Ша хьхьичIунмай! – му инвалидшиву дусса оьрчан ва хьуниминнансса Арт-студияр. Жул студиялуву оьрчан лахьхийн буллаглиссар личIи-личIисса техникарттай сурат дишин, мукунма зий буссар мультипликациялулгалду.



Художниктуралгу бачин буллалиссар ляличисса обрчлансса мастер-классру. «Музейраву суратру чичлай буру» тлисса цанилу Дагъусттаннал музейдаву дуллалиссар жул воспитанниктурансса сурат дишаврил занятиртту, Махлачкбалаллал музыкалул школалул студентътуращал архлал жул воспитанниктал сахналийн буккайссар. «Цачу цусса бюхттулшивурттайн») – ва цанилу гьарца шинах Филармониялуцал архлал дайссар ляличисса обрчлансса Республикалул творческий фестиваль. Дуссар члава жагылтуран цаласса цалва буллан лахъбин буллалисса проектгу. Вайксса проектирдаха буссару жу зий! Амма жул яла агъаммур направление иппотерапияр!

*– Иппотерапия дур махъ чумуву зун диркисса альтернативный медициналул метод. Циванни сагъ бакъасса инсантал хъин бан хъхъичлава дучри ишла буллай къабивкисса, му захматсса затгу бакъанма, хаснува шяраваллил кланай?*

– Иппотерапия килулу диркиссар Бух заманнул Грециянаву ва Румлив. Ча, му цусса методран къаккаллиссар. Амма та члумал цана куннасса къашайшивуртту къадиркиссар. Инвалидтал даимангу бивкиссар, амма ми сайки циняв мюрщину бунава литлайсса бивкиссар, I4 шинавун нажагъссагу къабияйсса бивкиссар. Так XX-мур векрал махъмур дачинний инсантуран инвалидтураха къулдугъ буллан лавхъхукун, хлакитуран даклин багъну бур дучрай бурттий заназаврил мюнпатрай. Му зат ххал бан пикри хъуну, махлаттал бувну бур мунил результатирттал!

*– Цукунсса цуцлавуртту хъиндан ишла дан бюхъайссар иппотерапия? Реклама*

– Хъин дан бакъача, инсаннал чурххал ва психикалул хлал къулай бан. Бакрал нярацун дархусса цуцлавуртту хъин дан къашайссар. Иппотерапия ишла дайссар опорно-двигательный аппаратрал азарду, ДЦП, личли-личисса парезру хъин дан, синдром Дауна, аутизм дуний.

*– Иппотерапиялул эффект элмулийну тасттикъ буссарив ?*

– Бувссаркъай. Ларгмур векрал 70-80-ку шиннардий диялсса хъиривлаявуртту дурссар дучрай бурттийшиврул цаппара азардайн биян байсса асарданул хлакъи-

раву, миннуйн чул бивщуну бувкссар элмийсса захматругу, чявучинсса луттирдугу.

– Чявумур члумал, анималотерапиялуя ихтилат багъувкун, жува биклару так обрчлая гьалгъатий. Бюхъайссарив иппотерапиялийну хъуними пациентътурангу кумаг бан ?

– Хъуниминнал муниясса результат обрчалмуняйр хлурхласса биклайссар, амма къулайшиву шайссар. Микку пациентнан цанма аьркинссар ялув ацан.

*–Иппотерапиялияту жува ялугълагъисса ссахру? Мунияту кумаг чув, ссаву шайссар?*

– Иппотерапиялул, чал гъелишиврийхчин, ччаннал ва ттиликрал бювчунбишив цакъ байссар, нанисса чал шанма чулукунмай гьуркку буллааврил бакрал няравун тлайласса импульсеру гъан байссар, сагъми нярал клеткарттал цайнна ласайссар сагъ бакъами клеткарттал даву. Амма му хъинну лахъисса процессри, шиннардий лахъи лагайсса.

Иппотерапия дайдишин бучиссар бувну кира-шанна шинава. Му обрмулуву обрчру, масала, ДЦП-лул къашавайми, ччаннай бацлайссар. Мукуннасса тагъар дуссар ччясса аутизм дунийгу. Лечение цуксса ччяни дайдирухъурив, муксса ччяни шайссар азарданул «ххютула» личин ан.

*– Цумур духурчагу терапиялул диклай цила противопоказаниертту. Цума къабучиссар иппотерапиялийну хъин уллан?*

– Дуссар азарду, нагрукарду язи дугъайни хъинну личилулу биклан аьркинсса. Мукунссар сердечно-сосудистый заболеваниертту, инсультрал клусса формарду ва янин чани чан шаву ягу мурчи шаву. Яни, клусса нагрукартту къадиклан маслихат бувсса азарду. Амма куклумур вариантраву бучиссар 10-15 минутрай чай буртти биклангу, яла ганищал турклу бан, гайз бан, ци-дунугу ганин дукамур дулаван.

Иппотерапия циняннан мюнпатссар!

*Виолетта Ратенкова*

Жума  
Къурбанова



# «Зул институтраву бомба буллалиссарив»?

*Фрустрированные стеновые системы, нестехиометрические магнитные сплавы, гейзенберговские взаимодействия ва цаймигу элмийсса ахалай-махалайрду бюхъайссар даКийхтуну ххира хъун. Амма муниинин хъхъичИ аьркинссар аналитический гъунар бусса аькълул заллу хъун, Меусишиял шяравасса Жума Къурбанова кунмасса. Ва ялагу бур ДИЦ РАН-далул Физикалул институтрал элмийсса сотрудник. 2018-ку шинал ванил дурурччуну дур хъинну захИатесса цИа дусса диссертация. Зулссаксса хИаллай ванил 70 даву дурккун дур жула биляатрал ва къатИаллил элмийсса журналлай. ДукIусса шинал тIурча Дагъусттаннал жагъылсса элмучитраву ва ккалли буну бур яла хъхъичIун ливчумурну. «Женщины Дагестана»-лул корреспондентнал, цала бусса-бакъасса нейроннайгу къия дурну, нярал дуламарттугу къур дурну, Жума Къурбановахъхъун 15 макрузансса (цивпа муксава мукунсагу бакъассарча) суаллу буллуни аьлмтурая, аьламрал къюлтIшивурттая, элмулуйн къарицисса къакрудая.*

## Жагъылсса элмучинахъ – 15 суал

– Элму вин хъанай дур ...

– Дуниял кIул даврил къайда. Ялагу – му (дуниял) инсаннал биялалийн мютIи дансса хIарачат. Элмулул щаллу буллалиссар обрмудуву аьркинсса масъалартту. Мунийну щин марцI дуллалиссар, дарурттаясса мюнпат хъун хъанахъиссар, коммуникация дири дуклакиссар.

– *Физикалуву вина яла ххирама Нобеллул премиялул лауреат?*

– Мария Склодовская-Кюри, му Нобеллул премия ларъсса цалчинмур хъамитайпар. Цурдагу – кIийла ларъсса. Мукун мунил циняв бурхъунтал махъ къабивтессар. Мугу та? Щалла элмулул давуртту хасну арантурал даврин ккаллину диркIсса заманнай. Та чIумал хъаннин хияллавуагу, элмучинал карьералия цирича, ларайсса образование ласаврия-

вагу пикри бан къашайсса чIумал. Мукун мунил ххит дурссар заэвмур инсан-тайпалиясса стереотип.

– *Тари Дагъусттаннайгу цила нобеллул лауреат уккантIисса?*

– Ччяни укканшиву къакIудли. ЖучIара приоритетру даххана хъун аьркинссар, му ишираву циламур роль щаллу дан аьркинссар хIукуматралгу. Дагъусттаннай тIурча хъунмур социал лифт хъуну дур спортрая. Мукунсса лифтну элмугу хъувкун, бюхъантIиссар буниялану пикри буллан, цума хъунавав цалчинсса Нобеллул премиялул лауреат тIий. Мунияр ччяни – гыч къахъунтIиссар.

– *Генерал хъунсса хиял бакъасса саллатI ххуйма акъар. Цукунни ххуй акъама элмучи кIул айсса?*

– Элму дайдишайссар цимурцаннул хъирир лаян ччисса гъирарая. Мунияту ххуй акъама элмучи цусса суаллу къабудлаймари.

– *Элмучитураву винма цициал ччива хъуна бакъин – цлана сагъминнава ва хъхъичИвамминистрава?*

– Михаил Ломоносовлуцал хъинну бикланссия. Надирминनावугу надирма инсан, личИ-личИсса элмурду ххаллилну кIулсса: естествознаниялия философиялийн, поэзиялия историялийн ва политикалийн дияннин. Хъинну ччива ганая кIул бан абрасат элмудул бучIан-Тимур цукунсса буссарив .

– *Ина цукун талан бикIара пишалия буххаврищали?*

– Яла хъинмур дигъалагру – зузаврил жура баххана бавур. Ттун мукунсса дигъалагру шай зунттавун гъаву, чун-бунугу цивилизациялукъу архсса кIаттайн. Зунттаву циняв буруккинтту мюрщи хъуну чIалан бикIай.

– *Поп-культуралуву алимтал чIявуну ккаккан буллан бикIай аьжаивсса авдалталну. Вила цукунсса дур ми авдалшивуртту?*

– Алимтурал дянив мукунми цайми пишарттал инсантуравунияр гъарзасса



къабикIайссар. Ми ттуву дакъар, дакъар ттун кIулсса чIявуми ттул уртакътуравугу.

– *Буси элмучинал ца укуннасса къинилия.*

– Микку щалва иш мунал цала хъхъичИ бивхъусса задачалувур бусса: расчет дан дурив, экспериментрал резултатру ххал бан бурив, элмийсса статья чичин бурив ягу хъириривляявурттан кумаг бансса грантран заявка дулун дурив. Ялагу жу буру жула уртакътурал элмийсса статьярттугу ккалай. Мунил кумаг буллалиссар пульсерай ка дирхъуну бикIан, актуалсса трендру хIисавравун ласун, цайми специалистътурал кIул бувмур жула давриву ишла бан. Му аьркинсса давур, вилами хъириривляявуртту аьркинну душиву кIул хъун. Акъарив инара дуллалимур, зурдардий ялун багъну ляхълай бивкIсса масъалалун жаваб кIива зурул хъхъичIра британнал аьлимтуран ляркъушиву кIул шайссар. Му бакъассагу, элмучитал буссар регулярнийну гъуртту хъанай конференциярттаву, симпозиумирттаву, ца-ца чIумал миннал буккайссар научно-популярный лекциярттугу. Инара дурмур инсантурал хъхъичIун дуккан даву – му жул даврил ца агъамсса бутIар. Элму вакуумраву зий дакъассар. Аьлимтал активнийну куннашал кув хIалану буссар, цанначIан цаннал информация диян дайссар, цачIусса хъириривляявуртту дайссар. Мукун цачIу зузаврил резултатирттал эффект бюхъайссар ххишаласса хъун.

– *Аьрици къассар тIисса, Барз – искусственный спутникIри тIисса ва мукун-масса элмулийн энадсса затру баян буллалими чари буккайсса?*

– Му, ттул пикрилий, аьвамшиврул ва фанатизмалул мисал бур. Мукунсса инсаннаву цила чIумал загъир хъуну бакъар ня зузи дурну пикри баву, логика ва аькълу-кIулши. Микку «барчаллагъ» учин бур ххуй дакъасса дуккаврихъ.

– *КIулишивурттал яла хъунма душман аьвамишеу дакъарча, кIулишиврул иллюзияр. Цицинна вай машгъурсса элмучи Стивен Хоакиннул мукъурттил хIакъираву?*

– Иллюзия шикку увкуну бур цала цува хъяврив уллалавривин, цала кIулишивурттан къимат тIайлану къабишлалавривин. Цумур бунугу масъалалуви инсаннал компетенция цуксса лагъсса дурив, муксса хъинну ччан бикIайссар мунал цала кIулишивуртту хъуни дуллан.



Укуннасса аввамшиврияр хъунмасса зарал бийссар иллозиялия. Мунил инсан цува тйайла акъашиврий мукіру хъун къайтайссар. Мукун уссаксса, му тачйав тйайламуничлан къаиянтйиссар. Ча, на Хоакиннул ка чйувин дурну дугълагъиссара.

– *Вихъ аьламравусса ччимур кьютлйшя кйул дува тйий бур – «Кеннеди цилли ивкйусса?»* – лия «Аьлам цукунни лявхъусса?» – лийн бияннин. Цумур язи бугъанна ина?

– Аьрщарай сагъмур лярхъусса куц. Ттул пикрилий, ва суал бур ччима пикри байсса инсаннан кйул бан ччисса масъала. Хъинну бикланссия, му иш мййжаннугу цукун хъуссарив кйул бан хьурча.

– *Вила хйисаврай, Дагъусттаннай элмудул чулудунмайсса интерес ххишала ягу чан хъанай бурив?*

– Интерес чан хъанай бакъар, амма чйалачйисса ххишала хъанахъавугу дакъар. Цанасса образованиелул системадул мунин кумаг буллай бакъар. Буниялану элмудуха зун ччисса школьниктал ва студентътал хъинну чансса бур. Хаснува жучйава, Дагъусттаннай.

– *Цифи аьркинсса жула республикалий элмудуха зузаврил сий гъаз дан?*

– Аьркинссар хъуннасса федеральный программа. Программалуву личину дузал дан аьркинссар учительнан кумагрансса раздел. Хьиривмур элмучитурал ник университетирттаву дакъарча дайдишайсса, мунияр ччянир. Элмудухсса гъира бучйиссар аьгу-аьркинссар чйивинийва чантй учин буллан.

– *Вила даврияту вихъхъунма булайсса суаллаву яла авлиями цуми бия?*

– Дагъусттаннай элмугурив дусса? Ци багъа булай зун му даврих? Институтраву зу бомбагу байссарив? Инава язи бугъи миннугу яла авлиямур.

– *Яла агъаммур элму – му....*

– Физикар – ттул чулуха бюхъайрив цамур жаваб диклан? Мунил ххал бигъйиссар Аьламараву хъанахъисса фундаментальныйсса процессру. Ялагу – цинярда ттизаманнул технологиярттал гъанулувугу физика дуссар. Ххуй бизайрив смартфонну? Компьютерду? Багъубизулул техника? Барчаллагъ учара физиктурахъ.

Руслан Бакидов



Ильгама  
Загирова



# Хиялданучлан нани ххуллий

Ильгама Загировачал на кIул хьуссияв 2016-ку шиналва, Каспийскалийсса Энергетический колледжраву хьусса «Молодежь против террора» тIисса форумрай. Ттиккун оьвкуну бия жул редакциялул вакилтурайн, афганнаву хьусса иширттал гьурттучитурайн, теологтурайн. Зал шап куну бувцуну бия. Суалду чIявусса буллай бия, миннуву бия ссивцIулийссагу. Амма модераторнал – хьинну жагьилсса душнил – мероприятие хьинну ххуйну ва жаваблуну хIадур дурну дия, палами студентътал бакъасса, цайми ссузирдаву дуклакимугу «кIункIу бувну».

Форум бюттулсса даражалий лавгуна. Та чIумалсса колледжрал директор А. Ю. Хаппалаевлул душния хьинну цIа дуруна:

– Ина мунил жагьилшиврух мабургара. Ильгама – даву дакIнийхтуну дайсса инсанни, ххаллисса организатор, инициаторди. Ттун та кIулссия пединструл студенткасса чIумалва, – увкуна ганал, – хIисав хьуна танил лидершиврул гьунар. Мунияту оьвкүссия жучIава жагьилмин-

нашал зун. КIуллив цIана училищардавун ца бухлахиссарив? ХьунмурчIин ахIвал кIюласса кулпатирттавацца оьрчIру, тIулдакъашивурттавах хIала хьун бюхъайми. Ва хIакьинусса мероприятиялул тIурча чIалачIи бувунни танища цIла гьанумур задача шаллу бан бювхъушиву – студентътал колледжрачIасса Молодежный центрданувун цачIун баву, вана утти 80%-рая ливчусса дуклакими жяматрал давриву гьуртту хъанай!

Учинссар, му жяматрал давугу цирича? Гьу, бухьунссар оьрчIру кружокирттавун, спортгруппарттавун, субботникирттайн занай – гьаннайсса, му дур «обязаловка». Амма шикку иш цамур бия – ва дия хьуннасса ва куннашал кув дусталсса студентътурал ккуран.

Образованиелул ва элмулул министерстволул хьинчулий кьамул дурну дур ДР-лул ТIиртIусса жагьилтурал правительстволул Жагьилтурал иширттал комитетрал инициатива. Комитетрай каялувшиву дуллаллисса И.Загировайн тапшур бувссар жагьилтурал центрданул опыт республикалул циняв колледжир-





ттаву ишла буллан, а цуспагу бивтссар ДР-луд дянивмур даражалул профессиональный образованиелул (СПО) учреждениярттал тарбиялуд даврил ва Жабьилтурал центрдал Председательнугу, СПО-рал Директортурал советрал президиумрал членнугу. Диркссарив ванил давриву захматшивуртту?

– Бигъанугу бакъая, амма ттун зун гъира бия. Структуралул пикри барду, сакин дав даврил план. Кива зурул дянив бивра цинявпа Дагъусттаннайсса ссузирдавун ва колледжирттаву, кил хура ххаллисса инсантурачал, энтузиаст-педагогтурачал, ккаккан бав мастер-классру. Цана пикри буллай бура, цукса аьжаив бизлай бакъахунссия гайннан, Директортурал советрал президиумраву щябивксса биялсса опыту бусса инсантуран, ца «оьнцлуд душних» вичи дихьлан, бухьурчагума га методобъединениялуд хъунмур? Амма на миннан кьамул хунав, жул цацлусса даврил гъанунугу хуна вихшала, дусшиву ва насихлатчишиву. Масалдаран, мунинин республикалуд художественный самодетельностьрал конкурсирттаву 64 колледжрава гуртту хъанай бия хъинну бухьурча 4-5, та шиналлив – 24! Гьамин студенттурал дянив жу дуллалисса даврийну профилактический учетрайсса студенттурал аьдад килийну чйри хуна.

Ильгاما ттун ялагу цимилгу хуна-бавкьуна, гьарца члумал на махлаттал шайссияв; ва кюлацласса, яру хъунисса, оьрмудувух левххун нанисса кунмасса душнища цукунни бюхъайсса вай буньяласса мероприятияртту сакин дуллан, интересныйса проектру дузал дуллан ва миннунун вайксса инсантал клунклу буллан! Ваничал гъанну клул хъувкун, ттун бувчуна ваниву душиву ххаллисса рувханийшиврул илгьам, цила язи бувгусса ххулдува ва личин къабитлатисса.

– На хъунма хъанай бияв клушивурттал, ях-намусрал, патриотизмалуд ва цала идеаллайн мукрушиврул хъунмасса клану бугьлагьисса кулпатраву. Бавагу, дадагу педагогал бия. История ва математика – инсанная личность шавриву яла агьамми элмурду. Ттун ряхра шин хусса члумал ттул шу ивклуссар, яла ивклуссар бутгауссугу, бава инсулт хъуну шанийн дагъуна. Му члумал ттунгу хъунма хун багьссар. Нину школалий дуссаксса, бавал чларату сукку къашайссияв, ганин за дуллай, дару буллай; яла дарсирдайн лагайссияв, шаппай бувкункунгу бавах буруглан биклайссияв.

На ттувунма нава льяклусса биклайвав, амма яла, 9-мур классраву бунуккивав, чант увкусса кунма хунав. Ттун оьрмудух гъира багъуна, дустал хуна, школа-луд мероприятиярттаву гуртту хъанан бивкляра. Школагу на къртал бувсар мусил медаль ларсун. Бувхра праволул факультетравун, вузгу «ятлуд дипломра-щал» къртал бав. Амма ттун так дукла-каву гьа хъанай дакъая – инсантуран кумаг буллан ччай бия.

Ильгاما бивкун бур цал курсирал, яла – факультетрал профоргну, мунияр махъ хъуну бур ДГПУ-рал профкомрал председателна заместительгу.

– Жу мудан сакин дайссия конкурсру: «Лучший в профессии», «Студент – лидер», «Джигит», «Горянка», личи-личисса проектру сакину дурну, ми дузрайну дуккан дайссия, Агьалинан кумаг баврил фондрачал цацлуну ихсандалуд давривугу гуртту шайссияв. Жу «сагъсса» арцу къаратлайссияча, каши дусса инсантал клунклу бувсса мероприяти-яртту дайссия. Масала, ресторандал зал-лукъру ахвал кюласса ягу «особенный-сса» 50 оьрчлайн цацланма дукралийн оьвчин байссия; гайнначлан тиккун артистгьурайн оьвчайссия; жура хладур

дайссия гайннан театрализованний представлениертту; тгучаннал заллухъ-руннахъ гайннан подаркарттту хладур дан миннат байссия – игрушкарттту, канцтоварду ягу лахху-ликку...

Дакний ливчмур? Ца мукунсса, аькьлу-кьлшлилуду махъун багьсса обрчашалсса хьунабакъавриву тгучлан чивисса, мукьра шинавусса душ гъан хьуну, ттул кагу дургьуну, «барчаллагь!» увкуна.

Личисса асар ливчлуна ттула сценарийлий кутласса художественный фильм ласласийни. Му дуссия жагьилми военно-патриотический ххуллий тарбия баврин хас дурсса, гьурттту хъанай буссия жул университетрал факультетирттал профортгал, – буслай бур Ильгама. – Фильмрал ца дуссия «Къадардал шанбачулий». Жул творческий инициативарду къамул хьуну, бувну буссия жагьилтурал кинематографиялуд студия «Студ.ТВ». Гъай-гъай, ттун бувчлай бур фильмраву диялдакъашивурттугу диркшиву, амма ганил идея – патриотизм тарбия даву, аьрлийтурал сипат лайкьсса даражалий ккаккан даву хлакьинугу тлалавнура дурхха. Та чумал га ххал дурссия 2000-нная ливчусса инсантурал...

На цувагу къацлуххав, цукун ка хъирив лаяйва ми цимурца давурттту дуллан – дуклангу, съёмкарттту сакин дуллангу, актёрталгу (студентьтураву) ляхълай, аьркинахха военный частъраягу кумаг тлалав бан батальный сценарду ласайни, рольду лахълан, рольду дугълан ва, муниципун – хъхьичунну дуклангу – укун куну къацлуххав. Чалай бия ванил энтузиазм цимурцаннун диял хъанай диркшиву.

– Яла махъ, – циламур буслай бур Ильгама, – ДР-луд цалчинмур Жагьилтурал правительстволуд межведомственный комиссиялуд хъхьич на ттула проект дурурччусса, гана га «Студ.ТВ»-луд проект. Стажировкалий бивкьссара республикалуд Бачичинал ва Хукуматрал администрациялий, гагу ттун ххуйсса опыт хьуна.

Яла ттуйн овькуна Каспийскалийсса Энергетический колледжавун. Гъай-гъай, карьера бан ттул мунияр ххуйссагу перспективартту дия.

Биклайхха инсангал «Кланттуя» гъалгъа тийнма: ай, «ххуйсса кланайн» багъан, хайр бусса къуллугъ бугъан ... Амма клану – му хъхьичива-хъхьичи

инсанталли, къуллугъ, статус бакъарча! Ттун дакнийхтуну ххира хьуна колледж. Чарав зий бия ттушчала пикри цасса инсантал, кумаг бан, къакьлудмур лахъхьин бан хладурсса. Гичча гъан на сивсунав так ацра шинавату. Къакьлудли, бюхъай, гикку лахъхьинмур лавхъхьуну къуртал хьуну бивкьлун биклангу...

– Ххуйсса предложенияртту хьухъунссия?

– Ттула пикрилий, яла интересный-мур дия Аьрасатнал МИД-раясса предложение, на микку цаппара цацлусса проектирдаву гьурттту хьуссияв. Амма на хладурну бакъаяв ттула республикагу къариртун столицалийн бизан. «Дом Дружбы»-луд каялувчинал вакантнийсса кланайн конкурс баян бувукун, документру нагу буллуссия.

–Жул цалчинмур янилун дагъансса мероприятияну хьуссар СВО-луд участниктуран ва цияв военный ведомствартгал вакилтуран хас дурну, 2023-ку шинал февральданий хьусса концерт, –гихунмайгу буслай бур «Дом Дружбы»-луд каялувчи. – Межкнациональный ва межконфессиональный иширттан, этнокультуралуд хъитлин ва дуниялуд политикалун агъамшиву дусса паччахьлудгьрал давурттацлун, Дусшиврул Къатлуду шайссар аьрлийтурал кулпатиртташчал республикалуд Бакьчи хьунаакъавурттугу. Гьарца мукунсса хьунабакъаврил члалачи бай жувагу ми иширттавух бушиву, жула хъхьичьсса масъалартгал – СВО-лийсса жула военнослужащийнал ва миннал кулпатирттал чларав бацлаврил – агъамшиву дурчлай.

Бучир кьичи бан Аьрасатнал МИД-рал ххуттавугу Ильгама Загироваца ххуйсса арарду дуруччин бювхъушиву ва уртакънуду даву дуллай бушиву.

– Ттун хиял бур Дагъусттанная дуниял цацлун дуллалисса площадка бан – политикалудгу, культуралудгу, экономикалудгу дуниял. Ттун бувчлай бур му хъуннасса устгаршиву аьркинсса политика душиву, мурад ччяни щаллу къахъуншиву, амма цалчинми шаттирду лавьссар. Ттула хияллацлун бавкъусса инсанталгу чансса бакъар...

Обрмулуд цилагу буслай бур му хиял бартлаган бюхъайсса бушиву!

*Аьжа АьбурахъИманова*



*Юридический чулуха дикIу, укунна дикIу култатрая оьрчI личIи бан бигъасса зат бакъар. Амма ца-ца чIумал мукун къабувну чара къабикIай, балаллуца га ххассал аву, ганах нитти-буттал къадуллалисса аякъа даву мурадрай. Умзагърат Вайланматовна Идрисова, Аьрасатнал Федерациялул аьмсса образованиелул ХIурмат бусса зузала, МКУ «Кумторкалинское УО» -лул опекалулва попечительстволул органдалул ведущий специалист, райондалул опекалуву зий 25 шин хъусса зузала, буслай бур захIматсса дунугу чара бакъа аьркинсса цила даврияту.*

# Оьрмул ул мяъна оьрчла вур дусса

Ванин цинма кулпат чалай бур баг-ба бишун къашайсса бахшишну. Ванил тийкун, жува кулпатравату буру хъунмур оьрмулуну цалчинмур ша ласлай, гьарца кьини дуккаври ягу даврия клурабалай буру кулпатрал ужагърайн, микку дур жунна гъилишиву ва аякъа ляхълай.

–Гьамин мачча-гъанминнал дяниври яла агьамми инсаншиврул хасиятру – ччаву, рахлму –цими, хлалал битаву ва захматшивурттаву кумаг лякъайсса, чивисса оьрчлан хъхъичва-хъхъичл клул шайсса инсаншиву цирив, – тий бур Умзагърат Вайланматовна. Ва цищава шайсса хларачат буллай бур нитти-буттал аякъалуца хусса оьрчлал цала кулпат шаву мурадрай. Захматшивуртту ккаркеса чявусса оьрчлан ванил кумаг буну бур жаваблусса ва ссавур дусса инсантал хьун.

Умзагърат Идрисова хъунмасса бусраврай буслай бур экиливчусса оьрчлру цачланма бувчусса кулпатиртая.

–Утти ми оьрчлал къадар бавхлуну бур цусса нитти-буттацун... Барчаллагъ миннан миннал дакл хъиншиврухлу, оьрчлру ххирашиврухлу, аькылшиврухлу. Утти миннал къадар ва бучантлмур цусса нитти-буттайн хъар хъанай бур... Хьул бур, миннал буллалимур жула республикалий цайминнангу эбратну лякъинссар тий, социал ятиншиврул проблемалух къулагъас данссар тий. Мукунсса инсантурал, захматшиврухгу къабурувгун, цайнма цусса буржру ласлай бур, приёмный нину-ппу тлссса ца бусравсса цар, мунил миннал талихлгу булунтлссар, цала оьрчшиврун бивхъумигу миннал цлакьсса чул бищай клану хьунтлссар, – тий, дакл дарцуну бур Умзагърат.



Муниципальный кълудугърайн Умзагърат Вайланматовна бивкӀун бур 1999-ку шинал. Мунинин зий бивкӀун бур Ростоврай, цал школай химиялуд учительну, яла профтехучилищалу индивидуд дуккавил мастерну. Ванил валаснал Султанпашанал дянив кӀия арс ивкӀун ур, Заур ва Казбек, Ростоврай душ Эльзагу бувну бур.

Умзагърат цуша Къумтуркълалаясса бур. Нину-пшу зий бивкӀун бур совхозраву: нину диркӀун дур лухитӀутӀуд производволуд хъбичӀунсса зузала, ппу чӀивиний хӀухчушиву дуллай ивкӀун ур, яла агроном хъуну ур. Вайннал кулпатраву мукъва оьрчӀ бивкӀун бур. Умзагъратлуд 1976-ку шинал къртал бувну бур ДГПИ-рал химико-биологический факультет, яла зун бивкӀун бур Ишклартиял дянивмур школай, хъирив – Хасавюртуллал школа-интернатраву.

Чумувун кълавивсса ва чӀувувун бивсса цаласса цала бан кълашайсса граждантурай опека ва попечительство даврил ведущий специалистнал кълудугърайн ванийн оьвкуну бур Образованиелуд управлиелуд начальникнал: «Вияр ххуйну ва даву щилчӀав къландиссар», – куну. Цила даву ванин чӀянилархъхъуну дур.

Вай 25-рагу шинай ванин чӀявусса барчаллагърал махъру бавну бур цила хха-

ссал бивсса оьрчӀаятугу, миннал нитти-буттая ва опекунтураягу.

Умзагърат Идрисова мукунма 22 шинай бивкӀун бур Къумтуркълалал райондалуд образованиелуд зузалтрал профсоюзрал организациелуд председателнугу. Ванин дуллуну дур АьФ-луд Образованиелуд зузалтрал профсоюзрал чулухасса Хурматрал грамота, бур ванил Къумтуркълалал райондалуд Администрациялуд чулухасса барчаллагърал чагъаргу.

– *Буси ца-кӀива махъ вила даврил на-  
правлениярттая ва задачарттая.*

– Жул гъанумур даву хъанай дур : безнадзорностьрал, кълудай бакъласса кулпатирттаву социал ятиншиврул, оьрчӀай рахӀму кълбуллалавил профилактика даву, уполномоченный органнал архӀал нину-пшу ялув бакъл ливчӀсса оьрчӀал жилищныйва бытовой условиярттал обследование даву, ми цайми кулпатирттавун булаву, опекунтал лякълаву, приёмный нитти-буттачалсса даву, мукунна чӀумувун кълавивсса оьрчӀал ихтиярду дуруччаву: кълтлуд, хъуслил, миннал аснамурал чулухасса, – куну бувсунни ванил, цимурца аьщуйн щун бувну.

– Жул давриву яла хъунмур зат – ихтилат нахӀу-хӀалимну бавур, мукунсса ихтилатрал опекун-попечительтурал дакӀру тӀитӀин дайссар. Жун ччимур –



инсантуран хъинмур бавур, миннал бур-руккинну яла бичин кумаг бавур. – Ялагу ванил ххи бувунни, цуппа тачлав зал-лукърунная ихтияр къаларсун шилчлав къатлувун къабувхшиву, отчёт дан чил холодильник ягу шкаф тикъавтлушиву.

*– Циксса бур зул райондалий нитти-буттал ургыл бакъа ливчИсса оьрчИру ва мукусса оьрчИру бувцусса култатру ?*

– Опекалуд ва попечительствалуд ор-гандалуд учетрай цана бур 17 оьрчI-душ 12 култатрава, хъьичIава 69-ннийнгу бияйссия – мукун хъунни нину-ппу ин-валидталшиврийн бувну оьрчИру опеку-турахъхъун булайсса закон дукъан дурну махъ. Щялусса инвалидтал гъарза хъуну бухъунссия.

*– Цукунсса чумалли оьрчИру опекалу-хъхъун булайсса ?*

– Агарда нинугу, ппугу литIурча, ягу ца ивкIуну гама дуснакърахъ ухьурча. Цал ца иш хъуна, ласнал цала шарсса диркIусса, га дуснакъ увна, оьрчИруми ливчIуна гайннал ниттирссичIа, на кумаг бувссия циярда багъайсса выплатартту оформитъ дан. Га ттухъ мукъавух барчаллагъ тIий бия, цанчирча та чIумал хъинну захIматну бикIайвабагъайсса пособияртту ласун.

*– Култатраца оьрчИру зевххусса ишругу хъунав? Цукун бургай мукусса «кумаграх» оьрчИругу, нину-ппугу, гайн-нанния бувчIлай бикIайхъунссаф цивпта кунная кув личIи булIалишиву?*

– Ттул практикалуду мукусса иш так цал хъуссия, Учкентлив, мукъва оьрчI жу реабилитационный центрдаийн биян бувну, ца яла чIивимур нитти-буттачIа къабивтсса чIумал. Къачивияв га жула мяъналий неблагополучный кулпат бия куну. Гай алкоголиктал ягу наркомантал бакъая. Ппу зий ия зуруй ттуршазарда ляхълай, амма даин даврий ия, нину дия домохозяйка. Амма ми цала оьрчIах ба-гъайкун буруглай бакъая, миннан къу-лайсса шартIру дузал дуллай. ОьрчIан цанмагу бувчIлай бия, цанма социальный учреждениелуду къулайну бикIантIи-шиву, гиву дунутIий режим, мудан цила чIумал гъилисса дукра, санитаршартIру, дуклансса сант. Нитти-буттан ва оьрчIан бувчIин бан бювхъуна цанна муниву къу-лайшиву дикIантIишиву, жунна сериал-лаву ккаккайсса куннасса цукунчIавсса сценарду къархъуна, аьтIутIисса нитти-

ща вев-гъарай тIисса оьрчI зехлахисса. ЖучIа мукусса ишру бакъассар. ОьрчIру минначIан завахъунтIиссар, нитти-бу-ттаца цала тагъар ххуй дан бюхъайхту.

*– Ци давур му – приёмный нитти-бу-ттахацацалсса, опекутурацацалсса, ни-тти-буттал кIану бугванминнацалсса?*

– На ттинингу увкусса куццуй, жу ххал дигъайссар цайминнал кулпатирттавун буллусса чIумувун къабивминнал тагъар цукунсса дурив, яла ми кIул дурсса ди-ядакъашивуртту дух лаган дан кумаг байссар, цачIу пикри байссар му пробле-малулсса бан, бувчIин байссар, лахъхъин байссар, маслихлат байссар, аьркинсса документру цачIун бан кумаг байсса-роьрчI цамур култатравун уллалийни ва цаймигу хъна бавкъусса иширттаву.

*– Инара дуллалимуня ина рязину чIа-лай бура, му даву захIматсса дурив?*

– Гъай-гъай, захIматсса дакъаргу къаучивияв. Эмоциональный нагрузка хъуннасса дур, амма инара дуллали-сса даву аьркинсса душиву кIулшиврия бигъашиву шай. Ча, на ттула даврийн гъирарай лагара. Цуллу-сагъсса жяма-травусса инсантурал ххарививугу, умуд-гу, оьрмулуд мяънагу дусса так оьрчIавур. На навагура нину, ттул ряхва оьрчIа оьрчIгу буссар.

*– Вила култатрах къулагъас дансса чIун диял шайрив?*

– Харачат бара. Шин хъунни ттул лас аьпалухъхъун лавгун. Жу цаннацал ца бавкъуну оьрму бутлай 40 шин хъуссар. 2022 -ку шинал кIилчинма арснацIа хъу-ссару. Росгвардиялуду уссия, СВО-лий талатавриву жан дуллунни. Хъунама арс Къумтуркъалалал райондалуд адми-нистрациялий зий ур. Бургула, оьрчIал талихI мурихха, цала кулпатраву ва ни-тти-буттан ххирану бушиву. Гъай-гъай хъинни ми цалами нинугу, ппугу бу-хъурча, амма чIявуну ми чIарав бакъасса тагъаргу шай... Му чIумал аьркинну бур чIивисса инсаннан цува аьркин акъа, экъи ливчуну чIалан къабикIлаву.

Жуягура нанисса шинаву – ва Кул-патрал шингу дур – на чIатIий бура ятинтал ва къабивтсса оьрчIру чан хъуннав тIий, цуллушиву, талихI, цала ужагърал гъилишиву цияннан – хъу-нинангу, мюршинангу!

*Виолетта Ратенкова*



# Цала кланай цувасса инсан

*Жула публикациялул геройначан Тагъиркент-Къазмалярдайнсса аьрххилул на занабивтунав ттула овьрчизаманнайн: шинну чIарусса ларгунни, амма августрай уттигу ххари буллай буру буллуьгну хъусса мамарттул къатIрал, пуннукъ ратIлай булувкъусса зузалтIрал. Гъарца багърава баллай бур тяхъасса чIурду ва хъяхъаву, ва чIумал шагърурдаягу овьрчIру бучIайссаьр – нитти-буттан пуннукъ датIин кумаг бан.*

Вана жула макъалалул геройгу – Теймур Гъабетулаевич Гъабибов, ва шяравасса агроном, сельскохозйственный элмурдал кандидат, ДР-лул Жяматий палаталул эксперт. Ванан чъянива, утти жуятура архсса 1988-ку шиналва, Геджухлив сельхозпрактикалийсса чумал ккавккун бивкун бур аьрщаравусса чъахир дукъай кьурувалу, мунийн цийнмагу екатерининский учайсса. Миву бивкун бур хъунисса пьлут-тланул бочкарду. Жагъилсса студентнан пикри хъуну бур артефактру ядан, миннул уттисса наслудун члалачи буллай бунутийи цала буттахъул цукун яхъанай бивкссарив, миннал багъу-бизу цукунсса бивкссарив, пишарду ци бивкссарив.

– На датлан ивкбра хъьичарасса къай-къуй, тлахни, хъьичарассагу цирича: тгун тгунма дакний бур тгула музейравусса затру махъсса чумалнин тгула кулпатраву ишлану дирксса. На ядав ацая дурсса, вивалу шпалул ягу памалул дурцусса сихъри, къутри дуллай гъанагъи дайсса тланул ссихъри, хасну къужри шъабитайсса нигьирттайсса каткартту...

Цала музейравусса чъяруми экспонатру ванал рартгун дур цала мапча-гъанначлату, кълминначлату, шяраваминначлату. Царай машин ласлай, гайми дахханаххи дуллай. Ми цирдагу къабигъасса чунну диркун дур – билаят бивкун бур ливну най, зузалтран цила чумал харжру Теймур зий ивкун ур Дербентлив, хъунама элмий сотрудинкуну, харжгу, лапва чивисса бушивруцун, цила чумалвагу бул-

лай къабивкун бур. Шардай духсса лампа ягу щачай хах лавсун увкний, щарссагу чур-чур тун диклайсса диркун дур, ми пух-пусурдая бизарда тий. Ванал музейрал цалчинмур экспонат хъуну дур чулх Иосиф Сталиннул профилъгу бусса шанна литралул банка, му цурдагу ляркъуну дур ванан гиккувасса консервный заводрал складраву.

Цала коллекциялун артефактру ляхълахъавришал архлад, ва ивкун ур цала багъраву селекциялул даврихагу зий. Та чумал, 2000-ку шинал, ванал арцу харж дурну дур пальмалул щигру ласун, та чумал ми арцух бюхълай бивкун бур клива дарваг иникмадул ласун, щарссанилгу му зат цимилгу ванал иттах бивщуну бур. Ца шинаватури в щигру цува бахлан ивкун ур, щачава бувксса харжгу тлайла бацан буну. Теймурдул, селекционний экспериментру буллай, цакъсса, ххуйну шайсса, цусса журадул щигру буккан байсса бивкун бур.

Тай зоо пальмалул щиг хъуну бур ванал уникальнейсса субтропический багърал дайди хъуну, хлакьинури в шиву дур щалла дунялиясса надирсса ва аьжаивсса ххяххияртту. Ванал багъраву зоо-нийн дирсса вид дур – ччарча лавровишня, ччарча японнал мушмула ва цаймигу надирсса ххяххияртту: киви, фейхоа, маракуя, унаби, лимондалул къанкъ дусса туя, къанкъ ххуйсса будлея, щюллиннасса магнолия, читальпа Ташкентская ва ц. Селекционертал буссар, хъунисса харжругу бихълай, ххяххиярттал цусса сортру дуккан дуллай – кли-





ришивугу, дяркъугу духлайсса, азардая, заралсса ущу-щулгъилия дурурччусса. Теймур тлурча, цала 15 соткалий зий, тайннаяр къачирисса даву дуллай ур. Гъай-гъай, ванал пишакаршиврул даража хисав къавхъуну къаливчлун бур – цана ва ур ООО «Полоса»-лул агроном ва элмий консультант, махъсса 5 шинай шикку промышленностьрал даражалий дугълай бур пуннукъ, бяъли, хъюрт, цулит, къакан ва цаймигу багърал ахълусса. Уттира дур кивилул, бадандалул (миндаль), сунуврал ва хурмилул промышленный посадкартту, евростандартрайсса капельный орошениегу ишласса.

Теймурдул бувсуни Дагъусттаннай цалчинмур хурмилул багъ цала бувшиву – ца гектар аьрщарай 2000-ку шинал, массовыйсса посадкартту тлурча дай-дирхъуну дур 2001-ку шинай шиннай. Хлакьину Дагъусттаннай хурмилухъ дур 1000 гектардания дирчусса аьрщи, Аьрасатнаву лидерталгу жува бусса буру.

Ванал багъаравун бувххукун, асардал бак1 гъанагъи бай – лагма цимурца дур тлутайх дирчуну, ахълусса хъанай, личи-личисса тлааьнсса къанкьру дур ришлай. Теймурдул ца къатлугъу рирттунни къяласса, ятлупархсса ва банавшасса будлеялул ца-къира къяртта:

– Пикри мабари, будлеялун зарал къавхъуссар – циксса ритларчагу, хъиннура чъарусса къярттри ялагу шайссар, – паракъат бувунну жу Теймурдул.

Теймурдул бувсуни СССР-даний хъинну гужсса мичуринский селекционный школа бивкшиву, ххяххиярттал ляличисса сорту дуккан дуллай бивкшиву, масала, мини-киви. Амма яла давуртту дацан дурну, жунма багъну бур жула разработкартту Польшанава, Венгриянава, Украинная машан ласлан.

Хъунмасса пахрулий бувсуни ванал азиминдарая, дуняллул даражалийсса цлусса культуралия. Му дусса дур банандалул аналог, 400-600 граммрал масса бусса, банан ва ананас хлаласса тингу бусса, цилагу духлайсса дур –29 градусрайн дирсса температура. Италиянавасса специалистътал, Теймурдул багъраву азиминдалул къира сорт ккаркун, мик1 лавчлун ливчлуна тлар, – тай бусса бур тийх, Италиянаву, дахъва питомникру буллай, Дагъусттаннай тлурча – вайнна уттира дуну!

– Багъру бувгъусса аьрщи сагъсса барчаманни. Цимурца сагъмур кунна, гагу инжит шайссар, хъуннар шайссар, тлатлайссар, гъарица сагъсса организмлул кунна, ганилгу хасят даххана шайссар. Ученый-агроном хисаврай ттуйсса буржгу му жула наслудун ядавур, жула буттахъая жуйнна дирсса кунна буллу-гъну, аваданну.

Жу гъалгъатий бунува, ваначан арс гъан хъуна – Калининградраясса туристътал бувклун бусса бия багъгу, музейгу ккаккан. Цува заллусса ичаллил музей

сакин бан Теймурдун даКнин бувтун бур Ханжан Къурбановлул, му цувагу машгъурсса политолог ва журналистри. 2018-ку шинал Теймур ивкӀун ур цала хъюву ремонт дуллай, Ханжаннул увкуну бур ванал субтропический багъгу, музейравусса экспонатругу ккаккан бан туристътал бувцуну учӀаван хъунссар куну. Теймурдулгу шалла хӀаятрал лагмасса чирттайх стеллажу дурну, миннуй дирхъуну дур артефактру. Ва ур гъирарай буслай миннул гъарцаннул история:

– Вайнна вай касакру хъхичӀарасса ххаржандалул хъуйлуясса касакрур, Ярагъ-КъазмалярдачӀасса раскопкардавасса. Вай чирахъру –АхтгӀиял райондалияссар, вай зукри – Къуругьиял райондалияссар. Вана обрчӀал кӀану, ва жуннийва буссия, сайки гъарца къатлуву бивкӀссар укунсса... Вай клусса къичри бартбисуртту шацултрал ишла байссар гъарца шаршсса кюкьа хъхичӀмуницӀун цакъну дазин. Дур 17-мур векраясса тӀахӀунттив, хъхичӀазаманнул дувси... Вайннул гъарицаннул бур цила история, музейравунсса цила ххуллу. Вай ккаккан бувкӀминнахъ хъхичӀивасса лазгиял багъу-бизулия бусан хъуншиврул историягу ххилтӀу бан багъуна, Къибла-дагъустаннал халкъуннал этнический личишивуртту кӀул дуллан. Туристътал

личи-личисса суаллу буллан бикӀайхха, миннун жавабру дуллан хӀадурну икӀан багълай бия. Му бакъассагу, на хӀадур дав Самурдал вацӀлувухсса маршрутгу, нава ккаккан бара, бусара тиккусса яла яргми затирттая – ва вацӀлувусса эндемический хъяххиярттая ва хӀайвантрая. КӀанттул агъалинашал жу сакин барду вацӀа пух-пусурдануцӀа марцӀ бансса санитарный десантру. Гъаннайсса, гъарцаннан даву дур – арнал туристътал хъуна бакъай, шарссанил ва арналшарнил миннан дукра дай, душ бур соцсетирдаву жула даврия буслай. Цинянан даву дур! – хъяй ур Теймур.

Нагу буссияв ттула хъхичӀ ца сурат дацӀан дуллай: ва Калининградраясса лахъи обрчӀ-адимина сентябрданий цала школадуву буслансар сайки Аьрасатнал къиблалул дазуясса махӀатталсса багърая ва мунияргу махӀатталсса ичӀаллил музейрая.

**Ччима махӀаттал ансса Теймур Гъабивовлуягу – ххаллил акъасса, паракъатсса, ихтилат чӀяву къабайсса инсанная. Укунсархха цумацагу цавува хъудугъул бюхъу бума. Мукуминнаяр учайсса «дунияллул кици» куну, мукуминнайри цимурца дарцӀунугу дусса!**

*Сульгият Булгаева*





# ХІакъсса ччаву гъарзатраяр ххувссар!

Ттулуссия школалий архІал дукла-кисса дус, ттула «КІинничу». Жул ни-ну-ппу – учительтал – цацІу зий бия, жугу ца классравун бавкъунав. Тиккуя жу жува царив ккаккан бувсса! Жу ансамбльданулу цацІун буллай бияв: даин жувалусса чутну ххалли-ну къавтІун бизайссияв. Гъай-гъай, учительскийлуну хъуни хъусса жун учительтурая нигъгу къадикІайва. Жу дуллалимур зун ккаккан!!! Бан-бит бухлавгун, нитти-буттал жу чІаххувмур школаууну гъан бувнав, амма «тиккугу жу къабивкІун къабивкІру», так цамур куццуй! Тикку жун педагогнал чулуха бахтти хъуна, классрал хъунмур бия ца талихІ: ганин оърчІру ххирая, жугу хъинну-ва ххираяв, «ляличисса» буну. Жул энергия ва «гъарзат кІулшиву» ганил цамур ххуттаууну кІурадаен дуруна – мионпатмур, утти мунийн «креатив» учай.

Школагу жу бигъанма къуртал бувссия, ххювардай. КІивагу бувх-ссияв институтирттауунгу, на Дагъусттаннайва, га тІурча цала гъунар ккаккан Московлив гъан ивтуна, ганаща бюгу-бювхъунахха, даин цимурца бюхъайсса кунма!

Тиккуя танан тагу хъунабавкъусса! ГацІана ттуцІан занг дуруна: «Хъуна бавкъунни ттун га! Ляличимур!» Ттуунгу най буна бувчІуна га ссая гъалгъатІиссарив, хъинну ххаригу хъунав. Жу кІиягу шихух-бунугу лагайсса бакъаяв, мугу туну цалчин оърчІшиврува буккавил хавар бия!

ДакІний дур цалчинмур курс къуртал бувну махъсса кІинтил каникулду, поездраяватува увкІунни ттуцІан, ттуунгу кІул хъунни гания-

сса цимурца. Личіисса ххуйдуш га бакъашиву, амма аькълу бусса («жува кунма»), позитивсса, аькылсса ва цила цуппа бувгъусса («мугу жува кунма»), кІюлацІасса, амма хъинну цІакъсса, сайки авдалну дакІ тІиртІусса бунугу дистанция дугъан шайсса. Урувгма хІайран айсса – гъассар цал иттав бургаву, ца махъ учаву – циняв мютІи бувссар! Дакъассар ганиву дакІ хъуншиву, дакъассар шялусса начругу, ганих къулагъас дуллай бур, га архІал дуклакиминнан ккаллину бур (му бия ванан яла агъаммургу). Га бур гъавас бутлай, лехлахи уллай, ганилшиврий дунял чІан-лаялун дан ва хІикматшивуртту дуллан («гъунарду бакъача») ччан бикІай. Ганищал хъунав хъун ччан бикІай, ца бала оърчІругу, оърчІал оърчІругу лагма лаган бувну, 5 оърчІ, бакъача – 10 оърчІ. Ганин цинмагу сан хъуну бур ванащал, дагъусттан оърчІащал хІалашиву дан, къалмухънан – га цуппа къалмукъ душ бусса бур – дагъусттантал къаххирасса бур.

КаникІулду наниссаксса хІаллай ттун цимурца кІул хъунни, яла мюршмунийн бияннин. На хъинну ххарину буссияв му иширая, хъинну! Хъиривми кІинтил каникуллай га увкІуна душ цащала бувцуну, нитти-буттащал кІул бан, цала ччисса ххуйну къамул баншиврий шаквагу бакъа. Амма къамул къавхъуна! Хъинну къянкъану, рахІму бакъасса куццуй. БювчІу-буккурдувагу къабувну...

Ва ия бакІрайх рирщусса куну хъуну... Гай ттуцІан бувкІуна гъавгъун, гъюжу бувккун. Душ бия гъанавиххину, коридорданува чІирачІан лавкІуну. «Бухху», – куну, на ганил ка

дугъав. Га ттух бурувгун, пиш чин хIарачат бувуна: «Барчаллагъ!» – яла ца ссихI къадурккуна! Жу гацIанава ганишал дус хъунав, цаннин ца, ссурвал кунма, оьрмудухун къамул хъунав.

Гай занабивкIуна Москвавив, дуклай бия, амма ганилми нину-ппугу бия ссаячIав хавар бакъа. Хъиривми каникуллай гай лавгуна Къалмухънавун. Тикку бия цIакъсса кулпат, бавкъусса, куннан кув ххирасса; га бия оьрчIаву хъунмур, ца бакъа бакъасса душ, нину – чумартсса домохозяйка, ппу – Къалмухънаву машгъурсса хозяйственник, коммунист, аргъиравусса колхозрал директор. Зу бухъунсару гай ххари хъусса ххай! Ай-юх! Жула дагъусттан оьрчIал тийх ххуйсса репутация дакъар! Амма душ ххирасса буттал гай бухкIулдуха лихъан къабувну бия, амма душнил язи увгъума къамул къавхъуну ия. Дипломатшиву дурну дур: гьалмагъай «итаавкъуну ур» цала нитти-буттачIан, хъатIуя «ихтилат бан», душмур лабивтун бур. Вузраву ганин академический отпуск дурну, гьалмагъайн ганичIансса ххуллу лавкъуну бур: я оьвчин сант дакъа ( та чIумал, 80-ку шиннардий, мобильникрагу дакъаяхха), я учIан къахъанай.

Ттул дус тачIав аьсив къауккай-ссия: ларсун академическийгу, лавгун ур къалмухънал авлахърайн лIухчушиву дуллан, цала ччиссанну-чIан гъанмур къушгу язи бувгуну. Шин ягу ххишала дурну дур, ганишал хъунаакъинмур буллай, ганиясса хаварданух ялугълай...

Бавцуну бур цала ччисса буттачIату.

Москвавив занабивкIун, вузраву цIунил цIакъ хъуну бур, цаламур потокращал дипломру ласунгума бовхъуну бур. Ялагу цIусса попытка дурну дур. Ттул подругал му чIумал лякълувугу бивкIун бур. Туну къалмухънал гай, гъай-гъай, къамул бувну бур, жагъилсса кулпатран кумаг бувну бур. Ганил буттан куявгу цала арс куна ххира хъуну ур, дав-

рий ивтун ур, арсваврашал архIал цала даврихун увтун ур. Бувну бур оьрчI, яла кIилчинмургу. Му чIумалнин гай цивппа заллусса коттеджравун бивзун бур. Ттул дуснал цала щарнибуттал хьул хъяврин къабувну, ганал урчIа ка хъуну ур, таммал къавхъуну, хъинну давурттаун агъну ивкIун ур. Результатругу хъинсса хъуну бур: цала бизнес, ххуйсса арцу, яла ччан бивкIун бур дуллалимур гъарзагъарта дан. Левххун бур барзул оьрчI кюрттарава! Бовхъуну бур! Цала бизнес-проектру дазул къатIувгума диян дурну дур.

Ганалми нитти-буттал цала оьрмулува арс лихханва увну ур: я ганах дуглай, я ганай дакI цIий къабивкIун бур, га увагу акъасса кунма. КIуллив ганал ци бувссарив, цала кIунттих ххишаласса арцу хъувкун?! МахIачкъалалив увкIун, нитти-буттан ххаллилсса квартира лавсун бур. Яла ларсун дур дача, яла гъарца ссингу квартирарду, циняв ссил оьрчIаран...

Ттул дуснал оьмур дакIний къабувгуну бур. «Ина мукссава хIарачат мауларда, – тIий бивкIра на ганахъ, – миннан ина бувмунил къадру бакъассар, къащигума хъанантIиссар, къащилун тIурча гъаншиву къакIулессар».

Цаламур кулпатран квартира ганал лавсуна циняннуяр махъ, хъун бакъасса, амма ххуйсса райондалий. Тиккун кIива душнишал щарсагу диян дуруна; шикку вайннал шамулчинмур оьрчI хъуна – арс, ганангу цала буттал цIа дирзуна. Ганал ниттил цIа дирзун дия кIилчинмур душнин. Нинугу, ппугу цана къаххирасса арнал чумартну буллусса къатравугу яхъанай сагъну бунува, цала оьрчIах гайннал къулагъасрагу дакъая.

Ттун кIулссия ганал Москвавивгу квартира лавшиву, дазул тийхгу цирив душиву. Планну дия хъунисса, амма жунма ччимур къашайхха, Аллагънал чивчумур бакъа...

Дия тай 90-ку шинну, декабрь, гъан хъанай дия ЦIусса шин, щарсса , оьр-



чру ялугълай бур, гарив най акъар. Циняв связьрал каналлавух луглай, лякъин къанахъай бур. Яла оьми пикрирду бур бакравун буклай. Къабувкун биклайххурав?!

Цаппара барзру хъуну бур ганах луглай, инттухунмай, марххала бавсукун, милицанал баян бувну бур ганал нурчи архну Подмосковьелий ляркъушиву, къинттуллухун ттупанг бивтун ивкуну...

Хайп, оьрчлан ххуйну дакънийвагу къаливчхъунссия ппу, арс чивитгунува ивкссар. Мачча-гъанмирив, хъатри кунма, гайннал ялтту лехлай бивкссар. Ци оьрчрур ми, ссан аьркинсса оьрчрур! Ца ссятрал дянив (на буссияв подруган оьрчал къай датин кумаг булдай) буккан бувну гъан бувна, бачива-клячланма, бувкссса куццуй лавгуна га гайннал оьрмулувату.

Цукунугу цила нитти-буттал ва уссурваврал ганин оьрчру хъуни бан кумаг бувуна. Цаннал хъирив ца оьрчру Москвалив дуклан бувххуна, гагу бия зий, Москвалив къаттагу бувгъуну. Цавагу оьрчал га пашман-

гу къабувна, Нитти-буттал яла ххуймур тул-табиаьт гайннавугу дия: ххуйшиву, аькьлу, аькьилшиву. Ласнал ниттил ца дирзеса гайннал килчинмур душница бьовхъуна обмендалий дуклан дазул къатув гъан, ххуйну дуккавугу къуртал дурну, тийхва бавцунуна. Таничлан бивзуна шалва кулпат. Арсан пахру бур тарцила ласнал буттал цания ва цала фамилиялия, дагъусттаннал мархряя.

Тухъ цила оьрмулия, оьрчая буслай, га бур шаттирахун тикрал булдай, «жувания дагъусттанлувру», «жула дагъусттан фамилиярттащала», «циняв дагъустталув кунма», «дагъусттан зумуну» тий. Мунийну мунил цуппа чалакъачисса ххалуй цила ххираманацун, цила оьрчал буттацун бахлахисса хханссар. Ванил дурурччуну дур цила цалчинсса ва ца дакъа къархъусса ччаврийнсса тайлашиву, цила оьрчал буттал аьпаявуну, цила ччаврил цаний циняв захматшивуртту духлан бьовхъуну.

*Раисат Хайбулаева*



*Оьруснал драматический театрданун гъашину 100 шин там хъанахъиссар, мунил тIутIиссар... му ттигу хъинну, хъинну жагъилссар. Къавихрив? Большой театрданун 248 шинни. Мариинкалун – 241. Ча, минуча Оьруснал драматический – къищу жагъилли. Амма явара мунил цила тарих къабивкIиссар къатIиссар. БивкIиссаркъай шивугу гъавасругу царай, асардугу ялтту най...*

*Амма цилли театрдания бусайсса, 30 шинай ганил хъунама режиссёршиву дуллалисса инсаннаяр хъинну? Скандарбек Тўлтаров – Аьрасатнал искусстваттал заслуженный деятель, Б. Шуккинул цIанийсса Высший театральный училищалул вытукник, личи-личисса театрал премиярттал залу. Махъ ванахъри...*

# Ихтилат банну театрал зумуну

## *Дайдихьудулгу дайдихьу*

Октябрь революция хъуннинна Темир-Хан-Шуралив диркIиссар аьралуннал гарнизонну. Тиккун цала хъаннищал архIал бучIайсса бивкIиссар оьруснал хIаписартал. Зура хIисав дувара тти, ци бизаршиву дакъахъунссия гай Москва - Питердаясса хъаннин шикку?! Ляркъуну дур туну миннан дулланмур – сакин бувну бур халкъуннал театр. Спектакльлу дихълай, цалла дугълан бивкIун бур рольлу, хъуни хъувкун оьрчIалгу дугълан бивкIун бур, хIалли-хIаллих ласругу мивун кIункIу хъуну бур.

20-ку шиннардий тIурча цала труппалуца Аьрасатнавух уклан ивкIун ур Николай Синельников, хъинну гъунар бусса,

бусравсса актёр ва режиссер. Га, були, Станиславский.лучIа цачIу ихълайгума ивкIиссарча! Синельников Буйнакскалийн увкIукун, ганан цукуннив кIанттул театрданул труппа итталун багъссар. Гиккува ацIан пикри хъуссар. Бюхъай ганахъ Тахо-ГодиIу ци-бунугу увкуну бивкIун бикIан. Туну тти, 1924-ку шинал октябрданий, бувкссар республикалул оьрус мазрайсса драматический театр дузал бавриясса указ. Гъамин ца шинавату тIиртIуссар пардав, тамашачитуран ккаккан дурссар цалчинмур постановка – «Горе от ума» («Аькълу – бала»). Синельников хъуссар Оьруснал драматический театрданул хъунама, цуппа театргу Дагъусттаннал театрал искусствалул бакIцаращи хъуссар. Ганил сахIналий

ихълай бивкѣсар оьруснал ва къатгаллил пьесардал спектакльду.

1934-ку шинал театрданун Максим Горькийл ца дулуссар. Хлакынусса къининингу дагъустган тамашачитурал кумирталну ливчѣсар артистътал К. Якушев, С. Токаръ, Р. Кулик-Терновская, П. Житковец, И. Карбовский, Н. Гостева, А. Захарова, А. Потапушкина, Г. Якунин, Л. ва П. Коноваловхъул, Н. ва В. Андреевхъул, Л. Коложная, 40-ку шиннардий шикку зий бивкѣсар И. Смоктуновский, В. Марков, Р. Маркова ва ц. чаннацуртти.

### *Ттул къуллугъ спектакьданул барча буссар*

На Оьруснал театрданувун увкѣсара 93-ку шинал. Тпайламур бусан, личину ччайгу акъассияв. Кѣулссия шиву, коллективрал вив цукуннивсса рагъавуртту, катаклизмарду душиву. Шиву дия мйяра ккуран, шиннардий куннащал кув ххавхсса. Гъарцаннулгу ия цила бакѣчи. Амма театрданул каялувчину ивтун ухъувкун, ина тти чун уххана? Ттун бувчѣлай бия: ми куранну ттушара цацѣлун дан къахъурча – театр бакъассар. Мунияту, нава коллективрал хъхъичлун цалчин уккан увсса къинива учав: «ккураннал бакѣчитал, тавакьюъри, гъаз хъияра». Зума ахъайсса акъар. Укун хъунссар ттѣй бакъахъунссия, ци бансарив къакѣлун бур. На тикрал бав: «Ккураннал бакѣчитал, тавакьюъри бизаву». Уттигу цуцлав акъар изайсса. Му чѣмал на ттѣй ура:

«Туну, бакѣчитал бакъания махъ, дакъассар ккураннугу. Шикку так ца ккуранни дусса – оьрус театр. Ва зат дакѣний бикѣияра».

Худсоветравун хъхъичѣва буцлай бивкѣлун бия гайннувасса ца ккурандалул вакѣлтал. Так цаннил! Му ккуран шайсса дия театрдануву яла агъаммурну. Циняв бур ялугълай, на цу увчѣайрив ккаккан. Нарив му система гъагъав, худсоветравун личѣи-личѣисса ккураннавасса вакѣлтурал ца рищав: гъунар бусса, бакѣру зузисса инсантурал. Ттуйн гъим дуруни: «Мукун иш кабачинтѣиссар. Циняв цана виин къарщину цацѣлун хъуну, ина укантиссара». Амма нагу бувчѣин бав: «Нания нацѣуссарача, амма ттуву загъругу буссар, ивчѣан айссар». Туну хѣлли-хѣллий айивхъура арарду дузал дуллай. Коллективрал гъарца членнащал личину ихтилат бав. Кѣул бав, цума цуманащал акъакълай урив, гай дакъил банмуних луглан ивкѣра. Цаппара хѣллава гъалгъа тлун бивкѣлунни куннащал кув, хъхъичѣлавасса энадругу къабивтун. Амма аьркинну дия гай циняв ца идеялуд даражалий цацѣлун бансса спектакль. Багъу-бизулуд даражалий гай дакъил бава лахъи къалаган бюхъайва. Аьркинну бия цѣусса театр дузал бан. Нагу язи бугъав «Полоумный Журден» тѣисса Булгаковлуд пьеса. Байбивхъуру ганиха зий, микку жул ялун трагедия бивунни – чил ивкѣлунни ттул хъхъичлунсса дус, театрданул хъунама художник Эдуард Путерброт. Гая ттул чул бищай клану. Оьрус театр-



данувун учланнин, ттун так ца гая кӀул-ссагу. Ттун пикри хъунни спекткль ганал аьпалун хас дан. Шалла идея художник-нал сипатрал лагма, жула Эдиклул лагма гьанагы дан. Му идея циняв акёртуран дюрххунни. Мукусса премьерера дарду! Ттун най буна бувчӀунни – ванахха хъуну! Утти хъуссару цацӀун!

Чуннури дия... бувчӀин аьркинссар, тай ци чӀунну диркӀссарив. 90-ку шинну, лагмава бандитӀтал, инсантал бур литӀ-лай. Жу му спектакл хӀадур дурсса чӀумал, ттучлан левчунма бувчӀунни секретарша, шалва бур мукъаву, «Анавар хьу кассрачӀан!» – увкунни. Ттун ххива ккассирша шил-бунугу бивкӀусса. Вар му цукунни! Ца зулкуартурал дуври му кӀел?! КассрачӀан левчусса – тикку бур чивчуну: «Циняв билетру бавххуссар».

Жул спектакллай яла даин аншлаг диклайссия. Му дия жул дайди хьу. Мунишала архӀал на жула театрдувал хъунма режиссёрну цакаь аврил эбадатту му хьуна.

**«Здесь русский дух,  
здесь Русью пахнет»**

Гьарца миллатрал театрдувал язи дугъайссар цинналусса лажин. Му лажингу драматургияр. Репертуарданува дачин аьркинссар миллатрал сипат. Ттун бувчӀунни: оьрус театрдувал лажин – оьрус классикар. На най бунава кьукъав: жу так оьрус мазрайсса театру бикӀан кӀа-аьркинссару. ЖучӀа бикӀан аьркинссар

оьрус миллатрал театр. Оьрус ссихӀ бусса! ЖучӀа бачӀи актёртал оьрус бур, бачӀи – дагъусттан миллатирттавацца. Му баланс баххана бан кӀабучӀиссар. Оьрус инсанналмур пластика личӀиссар. Му вин хъинну хӀисав хъунтӀиссар инава оьрус актёртуращӀалгу, жуламиннащӀалгу – кӀумукь, лак, ярусса – зузийни. Оьрус актёрнал ца ша кӀаласунтӀиссар, цала му ша циван ласласиссарив бувчӀин кӀабувну. Мунан цимурца цанма бувчӀин аьркинссар. ЖӀула миллатиртталми театрдаву на тӀий ура: «Актёр, ачуча шиккун, ва ламуйх хъуну та кӀанайн, та зат ласи»... Танал пичӀав кӀацӀуххинтӀиссар! Най ур, буллай ур увкумур. «Аьркинниг гьан? Гьанна туну». Зий ура ца кьини, кӀира кьини. Яла ура тӀий: «ОьрчӀрув, зу циван кӀацӀуххару, жу цивану му зат буллалисса: лаглагисса, затру ласласисса? Яр, зун бувагу ччай бакъарив бувчӀин му момент?» Миннал тӀар: «Жун ччай бур мизансценалийхчӀин жула персонажнан аьркинмур бувчӀин. ФизикалийхчӀин». Мугу дурхха личӀисса бургаву. Чалай бурив – лап цамур куццуйсса! Гьарца актёр – цала культуралул инсанни. КӀумукьнал театрдувал актёрнаву дуссар кӀумукь миллатрал рухӀ-ссихӀ. Яруссаналмуниву – яруссанал рухӀ. Мукунма оьрус театрданувугу – оьруснал рухӀ. Мунишала дакӀний бикӀан аьркинссар, му рухӀ щин ккаккан дулла-лассаривгу. Дагъусттаннан. На учивияв, ляличисса тамашачитуран. Ччайнугу,





къаччайнугу, дагъустан менталитетрал личишивуртту хIасав дан аьркинсар. Муниатура на шикку ххуйну кIанттул хъуссагу. Ттуву дур му дакъа чара бакъасса дагъусттан ва оьрус хIаласса сплав. На хъуна хъанай ивкIссара Сибирнаву. Яла, шихун ивзун махъ, на чIявуну зунттавун тIайла уккайвав ттула миллатрал культурадушал кIул хъун. Яла ялапар хъанай ивкIра Московлив, цал актёр, яла режиссёр хъун дуклакисса чIумал. Гъаннайсса, иш мукун багъуна: ттун ттун оьруснал рухI дурчIуна, кIудли, дагъусттаннан мунияту цукун буслан аьркинсаривгу.

### *Цукуннугу зарал къавхъунма дузал хъунав*

Туну тти кутIа бан, бусанна Дагъусттаннал театрал оьрмулувацца ца агъамсса затраягу. Фестиваль зузи даврия, мунин цагу дуссия ца хIинчаксса лажьисса: « Ухсавнил Кавказнал республикартал, Черноморско-Каспийский региондалул, гъанми ва архми чил билаятирттал международный фестиваль», цIанарив кутIанна – «Русская сцена» («Оьрус сахIна»). Ца ппурттуву ттул бакIравун ца пикри бувххуна: «Жунна аьркинни жулла фестиваль». Шиккун занаци бан личи-личисса билаятирттаясса оьрус театрал коллективру. Бала му бия, шиккун бучIан нигъа буслай бия. Шикку спецоперацартту, пIякъ учин бавуртту, битлатавуртту – мукунсса бия Дагъусттанная баяймур. Му цурдагу 2007-ку шин-я. Лавграххар на Юрий Соломин-

нушал, Малый театрдунал худрукнащал кIул хъун. Туну, цуппа Малый театр бучIарча, пикри хъунни ттун, мунил хъирив махъмигу бачинтIиссар. Соломиннуллив: «Ина цитIиссара? Ттул цания ца актёрнан ци-бунугу хъурча, на ттуйнма нава битантIиссархха!» – кунни. На охранагу хъун данна учав, цIуру-кIуругу бав, Малый къабучIарча, фестиваль къахъунтIиссар, мунив Дагъусттаннан чара бакъа аьркинну дур тIий. «Дагъусттаннаца хъун най буру, учав, – хъьичIунмай хъит чин багълай бур, театрал искусство гуж дан аьркинну бур!» Цукуннугу рязи хъуннихха! Туну яла щилли къабучIанну чайсса, фестиваль Малый театрдунал титIлай бунува?!

Тти туну гьунтти циняв бучIантIий бур. Микку оьван кунна, Гаджиевалий дур спецоперация най. Циняв аьрасат каналлугу му ккаккан дуллай бур. Соломиннул ттуйн занг дурунни: «Вин чIалай бунив хъанахъимур? На ттулами цукун итабакъиви?» На тIий ура: «Яр му чIаравмур кIичIиравур нанисса! Жулмуний цимурца ххуйнур бусса. КIия боевикри ивкIссавагу. Жуламиннан зу нанисса баяйхту, гананнацIухсса бан бавцIунни.

\*\*\*

Цукунсса бикIантIиссар жул бучIантIимур? Жаваб дулун къабигыар. Цалсса жун дахъра 100 шинни. Театрдуан ми хъинну чанссар. ЯхI банну хъиривмур юбилейраинин – ккакканссар.

*Руслан Бакидов*

Халла  
Абдуллаева



# Оьрмулий барачат бивхьумур

*ПаччахьЛугьрал къуллугьрал лайкъ хьусса зузала, ДР-лул БакIчинаЧа-сса Хьунилсфиннал советрал вакил, жаваблусса давурттай зий, чIя-русса хьхьичIуннайшивуртту дурсса, миллатрал иширттавух чялиш-ну гьуртту шайсса Халла Оьмариевна Абдуллаева чIявучин кIулссар. Амма Цуссалакрал райондалул жяматрал оьрмулуну агьамсса кIану бувгьусса Халла Оьмариевна оьрмулуну ва захIматрал ххулу бигьасса къабиекIун бур.*

Бувну бур Халла Лакрал райондалий-сса ШавкIуллал шяраву. Тай шин-нардийсса чIявусса инсантуран кунма, Хьун дяввилул шавци бивну бур вайн-нал кулпатрангу. Буттан дяввилийн гьансса извещение дуркIсса чIумал бу-вагу 25-ва гьантта бивкIун бур Халлан. Тани буттан дурагу 22 шин диркIун дур. Цувагу дяввилийн гьаннин ШавкIуллал школалул директорну зий ивкIун ур.

– Хьул къакъувкъуну, чIярусса шин-нардий луглай буссияв Буттал кIанттул цIанийсса Хьунмасса дяввилия зана къавхьусса буттах. Ца ппурттуву, бигьа-лаган Алагир шагьрудийсса санатори-ялийн нанисса чIумал, ттунгу, ттудла ссийнгу хьунадаркъуна Хьун дяввилий жанну дуллусса аьралитуран дирхьусса хьуннасса гьайкал. Ва ци гьайкал дурвав тIий, аглан хьусса жун, цалчинсса хху-ттай я бавцунни «политрук Абдуллаев Омари Исаевич» тIиса чичурдай, – бус-лай бур Халла.

Аьрасатнал Обороналул министерст-валийчIин кIул бувну бур вайннал бут-таясса балжисса информация.

«Абдуллаев Омари Исаевич – зам. ко-мандира роты по политической части 1159 сп, 351 сд. род. в 1917г. в сел. Шовкра, Лакский район, ДАССР. Погиб 12 декабря 1942 г. в бою в Северной Осетии, Алагир-ский район, с. Н. Тамиск» тIий чивчун бивкIун бур вайннал буттая бусласисса документраву.

Университегу къуртал бувну жагьил-сса пишакар зун бивкIун бур Лакрал рай-онналийсса Уриннал школалий учитель-ну.

Ца ппурттуву школалий комсомол-данун хас дурну ванил дурсса мероприя-тиялийн увкIсса райком комсомолдану-л инструкторнан мероприятиягу ххуй дирзуну, италун багьну бур жагьилсса пишакар. Шичча ва тIалав бувну бур шко-лалул отделданул заведующийну. Хьун хIал къавхьуну бивтуну бур Лакрал рай-ком комсомолданул 2-мур секретарьну. Халла Оьмариевна Москвлий бувккун бур Комсомолданул лаваймур даражалул школа. Шикку дуклай буна бувчIуну бур райком комсомолданул 1-мур секретарь-ну.



Бюхъу-базар бусса жагылсса пишкарнайн вихшала бувну бур та чумал Ухссавнил Квказказнаву ца яла хъунмурну хисавсса Ш-мур Интернационалданул цанийсса «Каспийская мануфактура» фабрикалул партиялул комитетрал секретарьнал къуллугъ.

– Дагъусттаннал куклу промышленность итадакълакысса фабрикалул даву духлаган риртунни жула хлукуматрал. Ираннавун, Дянивмур Азиянавун ва чярусса цаймигу хлукуматирттайн мачI ва памма тIайла буклай бивкIссар шичча. Фабрикалул буссия ахъул мурхъру бувгъусса хъунмасса багъ, инсантурал цуллушиву къулай дансса шартIру дусса профилакторий ва цаймигу идарартту. Фабрикалул ашвашханалуву дулайссия зузалтран украсса дукра ва цала багъравасса ахъулсса. 800-нния ливчусса душру-хъами буссия тикку зий. Мукумма фабрикалулча буссия ххуйсса оборудованиерттугу дусса, щацин лахъхьин байсса пишкартал хIадур байсса училище.

Дагъусттаннал цалчинсса ЗахIматрал ЯтIул Ттугълил орденгу лайкъ дурссар ва фабрикалул дурсса хъхьичуннайшивурттахлу, – дакIнин бутлай бур Халла Омариевна.

Гъарица чулухунмай итххяхвхсса Халла бувчIуну бур Цуссалакрал райкомрал секретарьну, яла Райисполкомрал председателъну.

– ХIакъинусса кынигу барчаллагърай бура Цуссалакрал агъулдануйн, ттуйнна хъуннасса вихшала дурну, райондалул исполкомрал председателъну бувчIаврихлу. Мукумма сант дирирну дунува барчаллагърай дакIнийн бичин ччива гъарица ишираву нара дуллалисса давриву чIарав бацIлай, маслихIатру буллай бивкIсса Омар-ХIажи Шаххаев, Абдулхаликъ Идрисович, Абдулла ХIадисович ва цаймигу ххаллилсса инсантал, – ттий бур ва.

Цуну хIасул хъанахъисса райондалия чанну кIулну бивкIун бунугу, Цуссалакрал райондалул исполкомрал председателънал къуллугъругърай битайхту, жагылсса пишкарнал хъхьичI ххуттай дуллай байбишинсса агъамсса цукунсса, ци давуртту дуссарив цIухху-бусу бан, маслихIат ккаккан цичIанма овькуну бур райондалийсса оьрму, хIал кIулсса инсантурайн.

Та ппурттувусса ДАССР-данул госпланлул комитетрал председателъ Абдуллагъ ХIажиевлул бувсуну бур ва нихъ Цуссалакрал райондалиин газ буцаврил масъала бигъану щаллу бан бюхъайсса бушиву.

– «Кази-Магомед – Моздок» газопроводрал проект дуллалисса пишкартуравух ивкIун ур Ножай-Юртулал районналиясса чачаннал миллатраясса инсан. Мунал хIарачатрайн бувну, Дагъусттаннал аьрщарай дурсса проектрай бакъасса «Новолак» тIисса точка ххишала бувну бивкIун бур. Мукун, тикку цIакъ бувсса точка бушиврийн бувну, Цуссалакрал райондалиин газ буцаврил масъала бигъа хъанай бия. Му чумал я Хасавюртлийн, я Хасавюртулал районналийн газ бувцуну къабивкIссар. Цуппа му точкагу Ха-



Аьхъардал шяраваллил чIаравсса Ярык-су неххай бувсса ламу.

– Интту-ссуттихуннайсса кърнил давуртту дайдирыхьсса чIумал хъиннува захIматну бикIайва ва нех лахъан. Дагъусттан ва Чачан цаннайн ца бутлай, ламу баннин ялугълай буссар тIий баллан бикIайва. Цанчирчан, Ножайюртуллал районналия Грозный шагърулийнсса яла гъанмур ххуллу бикIайва Хасавюртлий-хчIин. Ва масъалалул ялугу ттунма занан багълай бия. Грозный шагърулийсса Проектру дайсса институтравун лавгун тIалав дурссия ламу бансса проект. Проектраву ккаккан бувну бия 12 метралул лахъишиврийсса муххал ва бетонналул чIултти. Мигу буллай бия так Бесланнай. Мунияту, жула республикалийсса Проектирдал институтраву дахханашин-нардуду дурну, 69 метралул лахъишиврий-сса Аьхъардал ламуй буссар муххал ва бетонналул чIулттан кIанттай, 130 тонна дусса марцIсса чаннаннил чIултти бивхьуну. Укунсса ламу буссар хIакьинусса кьинигу «Ярык-су» нехай.

савюрт шагърудул дянив ккаккан бувну бушиврийн бувну, 3 километралул манзилданийх турбарду арх буцан бан багълай бия. Сим-сир тIисса шяравалу дуссар Хасавюртуллал чIарав. Га шяравату Цуссалакрал райондалийн бияннин дуссар 29 километра ва 900 метралул манзилданийхсса 50 атмосфералул давления дусса газопровод дирхьуну. Газопроводрал дазуя 200-300 метралул архну дикIан аьркин-ссар къатри, амма жула инсантурал ми нормардугу дуручлай дакъар, – буруккиттарай буслай бур Халла Омариевна.

Ванил хъунмасса хIарачатрайну Ростоврайн пишакартал тIайла бувккуну, анавар дуккан дурну диркIссар газ буцинсса проект. ЛичIинува кIицI лаглай бур Халла Аьбдуллаева Цуссалакрал райондалийн газ буцаврил давривух хъунмасса захIмат бивхьусса цIанихсса архитектор Нажвадин МахIаммадабл-евлул ца.

Райондалий ванил хIала-гъуртту-шиннарай дурсса давурттавацца ца дур



Халкъуннал цийнна дурсса вихшала тйайла даву мурадрай, хъунисса бигарду бакрайн ласлай бивкун бур Халла Оьмариевна. Халлал хйарачатрайну тивтуну бур Минай-Тугъайлив (цанасса Гъамияциял шйраву) Совет Союзрал Виричу Ханпаша Нурадиловлун хас бувсса музей. Ванил хйала-гьурттушиннарайну бувну бур Цуссалакрал райондалийсса Цуссакуллал шйравусса школа, Дучиннал шйравусса неххайхсса ламу, 1999 шинал къызгъинсса талатавуртту най дирксса лахъазанттуй дурсса 32 тонна муххал дусса 713, 5 м. «Телевышка» ва тамансса цаймигу кйицй лагансса давуртту. Нажагъсса бухъунссар ва телевышкалий 32 тонна муххал душиву кйулсса инсантал.

Ци масъала тапшур барчангу, лажин кйялану щаллу баншиву кйулну, жаваблувсса давуртту ванийн вихшала дайсса диркун дур. Мукунсса буну тий силий ва хйурмат-кыматрай бивкссар Халла Оьмариевна Цуссалакрал жяматрал агьулданул дянив.

Хъуннасса хъар лахъан багъну бур Халла Оьмариевна лак цйунилгу цусса миналийн бизан буллалисса масъаларттал хйакъйравугу

Хйакъинусса кйинигу Цуссалакрал райондалул агъалинал яла цйурукъюкьумур бур бизан баврил масъала. ДАССР-данул Министртурал Советрал хйасул дурсса, Лак цусса миналийн бизан баврил ва Аухуллал район цйудуккан даврил отделданул заведующийну буссия Халла Абдуллаева.

Министерствалул тйалавшиннарайн бувну, сакин дурну диркссар цусса миналийн бизан рязину буссарив цйуххубусурду буллалисса анкета. Ванил бусарийн бувну, анкеталул исват бувну бур 90%-рал ливчусса агъали цусса миналийн бизан рязий хъушиву.

Халла Оьмариевна хъйрив лавну ххал бивгуну бур 1944 шиная 1990 шинайн бияннинсса Цуссалакрал райондалул архив.

«Чйавусса ккавкссар жулва халкъуннал бизан бувну, ххуллийх бачин бувсса чйумалгу. Чурх гъили хъунсса янна дакъа,

лякъа дуччинсса ччатй бакъа, мюрщими, хъуними личйи къабувну арулва, мййва гъантлий ххуллийх бачин бувну бивкссар. 30% агъалинал ливтуну бур Цусса миналийн бизан бувну махъгу. Хъхъичйсса шанна шинай бувну бур бувагу 30 оьрчй, миннавагу урчйва сагъну ливчун бур. Архиврал буслай бур 40-нния ливчусса шиннардий лакрал хойяйстварду дурагу 100-ра сияхйрал ххйшала хъушиву. Бивзуну махъ, оьттул гъухъ рутлай, тйутйайх дичин дурсса та аьрщигу, агълу-авладрал гъаврдугу къариртун, уттигу мина даххана дуллан багъунни жула инсантуран. Цуссалакрал райондалийн бивзсса инсантурал оьрму тачйавгу паракъатсса къабивкссар. Жагъилтурал дянив бувчйу-къабувчйурду хъанайгума цикссагу питнардун хъанан биклайва. Бизан бувсса лакрал оьттул гъухъ руртунур Цуссалакрал район цанасса даражалийн дяйн дурсса», – тий буслай бур Халла.

Оьрмулун ва захйматрал ххуллий Халла Оьмариевна лайкъ дурсса наградартту чйарур. Миннувух дур орден «Знак Почета», «За трудовую доблесть», «В ознаменование 100-летия со дня рождения В. И. Ленина» медальду, «Захйматрал ветеран» тйисса бусравсса цйа ва ДАССР-данул Верховный Советрал Президиумрал чулухасса хйурматрал грамотартту.

Бигъасса оьрму къабивкун бур та ппурттуву жаваблувсса къулдугърай зюзисса хъамитайпалул. Учин бюхъанссар ванин цйла захйматрал ххуллу оьрмулунхунсса чувшиврул дарсеруну хъуну бур, куну..

*Имафа Саидова*



*Зинаида Серебрякова. «Кли».*

Камила  
Исакъова



# Вайннаяр хьунтисса миллатрал ца-кьини бюхттул дансса пишакартал

*«Зунттал хьами» журналданул ва ххулхсса хьамалу душ хьунни Москавуллал Н.И. Пироговлул цанийсса медициналуниверситетрал лечебный факультетрал 5-мур курсрал студентка, университетраву сакин дурсса Студентътурал союзрал вакилханалул председателнал хьиривчу Хамидлул душ Камила Исакьова.*

Камила бувну бур Тулизматусса Хамидлул ва Ваччийл шяравасса Зулейхал кулпатраву. Ванил ниттил Зулейхал ппу Давди ур Ваччийл шяраву ххишала бакъа бусравсса Увайсхьал тухумраясса инсан. Камилан лайкьсса тарбия дулавривугу ванал хьуннасса хьар лархьуну дур.


Чивиняцава хакиннал пиша язи бугьансса хияллай бивкьсса душнил, лицейраву 7-ва класс кьуртал байхту, дуклай бивкьун бур химиялул ва биологиялул куртисса кьулшивуртту дулайсса хасьсса классраву.

Астемировлул цанийсса Махлчкъалаллал 39-мур лицей мусил медальданий кьуртал бувсса, ЕГЭ-рду лавайсса баллай дуллусса Камилал хьхичи ччимур вузравун буххансса ххуллу тивтуну бур. Лицейраву хьхичиунну дуклай, бивхьусса захмат бакьуйн букан бувну, дуклан бувххуну бур цуппа хияллай бивкьсса Н.И. Пироговлул цанийсса Миллатрал ахттаршиннардун даврил медициналул университетравун. Камила лицейраву дуклакисса чумалгу, гьарица чулуха итххявхсса душ бивкьун бур. Республика-

лул лагрулийсса олимпиадарттай, конкурсиртай гьуртту хьуну, ванил цимилгу хьхичиунсса клантурду бувгьуну бур. Дуклан буххайхтува Камилал най бунува ккаккан бувну бур цуппа кьулшивуртта мюхтажсса, захмат ххирасса душ бушиву. Университетраву дуклакисса, ванил цурда ца минути оьнна гьан кьаритай.

Вузравугу Камила бур хьхичиунсса студентътурал сияхрай. Дарсру лахьхьаврий гьашиву кьадурну, куртуну лахьлай ва ахттар дуллай бур медициналул элму.

Итххявхсса студентка кьамул бувну бур университетравусса элмийсса ккуранналувун. Цана ванийн вихшала дурну дур элмийсса публикацияртту ххал дигьаврил даву. Му бакъассагу, чялишну гьуртту хьанай бур элмийсса конференциярттай, олимпиадарттай ва чичлай бур элмийсса макьалартту. Москавлиссса Н. В. Склифосовскийл цанийсса анавар кумаграл азарханалийн дежурствардайн занай, лахьлай бивкьунни хакиннал пиша.



Шиккугу ванил цуппа унгу-унгусса хIакин хъун ччай бушиву ккаккан бунни. Камила буслай бур цалсса цила дакIнил лавсумур пиша хIакин-флебологналмур бушиву.

– Флебологнал пиша дакIнил лавсуна ттуннава цалчинмур курсрай дуклайсса шпурттуву сосудиртгал хирург, флеболог Сабир Абйдаевлул клиникалийн практика лахъхъин заназисса чIумал. Сабир Салимовичлул жун магьирну ккаккан байва туннурдай буллалисса личIи-личIисса журалул операцияртту, дайва

къакулмур бувчIин буллалисса консультацияртту. Цаппара операциярттай на хIакиннан ассистентшивугума дурссия. Тания шинмай ттун флебологнал пиша дакIнил лавсуна, – буслай бур Камила.

Цалчинмур курсирая байбивхъуну Камила чялишну гьуртту хъанай бур университетравусса Дагъусттаннал диаспоралул иширттавух ва вузраву дуллалисса цинярдагу мероприятиярдавух.

– Жул университетраву дур 26-хъул вакилхана(землячество) миннувасса ца дур Дагъусттаннал диаспора. Дуклан

бувхсса, цубутуй нитти-буттах, уссур-ссуннах, Ватандалух мякъ бувксса, бизар хъанахъисса студентътуран диаспоралул кулпатрал клану бугъай. Гъарица шинал диаспоралул дайссар университетраву дуклакисса студентътал цацун баву, миллатрал культура ядаву мурадрайсса личи-личисса мероприятиярду, ярмаркарду ва фестивалю. Гъашинусса шинал жу хукму бувссия миллатирттал культура, аьдат-эбадатру машгъур даву мурадрайсса собранияртту дуллансса, – буслай бур Камила.

Камилал Исаковал сипталину, университетраву дуллалисса собраниярттал лагрулийсса цалчинсса мажлисгу хъуссар лакку мазран, лакрал тарихран, вирттаван, аьдатирттан, багъу-бизулун хас бувсса. Камила бакъийсса лакрал студентътурал хласул дурсса лакку мазран хас дурсса байранналий гурттушинна дурссар «Дагъусттан» тлисса Москваулдал культуралул центрданул президент Арсен Хусайновул, Москваливсса жула оьрчахъ лакку мазрал дарсру дихълахъисса Ххаджат Цаххаевал ва ММОЛ «Лакия» курандалул вакилтурал. Мероприятие ларайсса даражалий тайла дуккан хларачат баврихлу Москваливсса Дагъусттаннал культуралул центрданул Барчаллагъ баян бувссар Камила Исакован ва ванишал байран хладур дулла бивкисса лакрал студентътуран. Вакилханалул дуллалисса мероприятиярдай чялишсса гурттушинна даву бакъассагу, Камила бур волонтер ва доноргу. Цалчинмур курсарива бувххун бур волонтер-доноршиврул суккушиннаравун.

– Ттунна оьрмудул 18 шин шайхту на бувхра донортурал ккуруандалувун. Волонтер хисаврай, кумаг бара университетраву донортурал акцияртту саккин дан. Мукума навагу гуртту шара



шикку дуллалисса донортурал цинярда акциярттавах. Бувчлай бур донортурал хъуннасса агъамшиву дусса даву дулла бушиву, – тий бур Камила.

Дакъийхтуну ххирар ванин лакку мазгу, буттал кланугу. Каникуллай биривсса гъантригу ванил цуппа ляхъусса, хъунма хъусса Ватандалий, цила буттал ва ниттил агъалдануча гъан бай.

Хъуннасса вихшала дур укунсса жагъилсса никирая миллатрал ца-къини бюхттул дансса хъхичунсса пишакартал хъунтшишиврий. Ча учинну Камилан гихунмайсса оьрмудуву хъунисса тайла-бацуртту!

*Имафа Саидова*

Дурея  
Зиядова



# «Ттун кІулссия нава юрист хьунтІишиву!»

*Дуря Зиядиновна Зиядова хъанай бур юридический элмурдал доктор, ДГУ-рал уголовный праволул ва криминологиялул кафедралул профессор, ДГУ-рачІасса уголовно-правовой ва криминологический исследованиярттал лабораториялул заведующий, Аьрасатнал криминологический ассоциациялул ДР-лийсса Дагъусттанал региондалул отделениялул председатель. Ванил вузраву зузаврил научно-педагогический стаж зувира шин дур.*

– Буси виятува: ина чув бувссара, цукунсса култатраву, цукунсса тарбия ларъессар?

– Ттун талихІ хьуссар кьиблалул Дагъусттаннал ца яла авурмур кІанай, МахІарамкантуллал райондалийсса Куйсун шяраву дунияллийн буккан. Ттул нину-пну цукунчІав бакъассия юристнал пишалушчал бавхІуну. Дада – Ханум–Султан – домохозяйка дия, мямма – Зиядин уссия райцентрдакийсса мебель даххай магазиндалул заведующийну. Нину-пну ттун дуккаврих гъира бутлай бия, дуккавривусса ттул хІарачат, лутгирду ккалан ххирашиву чІалай.

– Зул култат хъунмасса буссияв?

– Култатраву жу ххюва оьрчІ бияв, на – чІанма-чІивимур. Ттул уссурвал ва ссурвал хъунни учительтал ва товароведтал. На бигъану бувхссара пединститутрал чІл мазурдил факультетравун, 1989-ку шинал отличиелушчал му къурталгу бувсар. Амма ттун му пиша салахІну бакъая, школалий отличничану бивкІун бунугу. Ттун ххишалану ххирая литература – сочиненияртту ххуйну чичайссия, ххирассия историягу. Яла бувчІуна, чІл мазру кІулну бакъахьурча, литералу-

чІан ва историялулчІан ххуллу гъартасса бакъашиву, лахьлан бивкІра француз ва немец мазру, ялагу лавхъхьуссия та чІумал сийлувусса маз – эсперанто. Амма му ишла къавхьунма ливчІуна.

Найбуна юрист хьун къавхьуна, тикку аьркинну бия стаж бивкІан. КІилчинмур курсираву ттун пикри хьуна цамур мурадрайн бачин, аспирантуралувун буххан ва чанма-чанну профессор хьун. Ттун даинна думур диял хъанан къадикІайва. Ца мурадрайн бивукун, бизаршиву дагъайва, дайдишайссия цаймигу кІулшивурттал хъирив багъаву. Бувхра аспирантуралувун, чичав кандидатский, яла бувхра юридический факультетравунгу, «Юриспруденция» специальностьрайн. 1997-ку шинал ва вузгу къуртал бав.

– Юрист цивана? Ци савав дуссия му пиша язи бугъан?

– Ттун ххирая захІматшивуртту, чІявуну на къабигъамур ххуллу язи бугъайссия, захІматшивурттаяр ххувгу шайссияв. Юридический факультетравун яла хъунмур конкурс душиву бавукун, ттуцавагу буххан шайшиву чІалачІи бан ччан бивкІуна. Ттула пикрилий, ттуву чІивинийва бия ттула кІулшивуртту ссан



ишла дан аьркинссарив бувчусса илгъам. Тйайлашиву ччисса асар ттуву яргеса бия. Ттун ялагу чивинийва ххуй бизайва военныйтурал ягу милицанал мундир-давусса рас-рас бивкIсса хъамигу, цала лухIи мантиярдавусса къянкъасса судияталгу. Цинявша душру бикIай я школарттай, ягу больницарттай тIуркIу тIий, налив оьрчIру бавтIун, судрай тIуркIу байссия. Даин на судиянуяв бикIайссагу. Жу ххал дигъайссия жула дустурал ххуй дакъасса тIуллу. Цана нач хъанай дур дакIинин бутлан, амма ца хулиган къунниялнин на чIаркIув «дуснакъ увесся». Га бия ганал дучIи дакъасса тIулунсса – жул оьрчIал пикрилий- танмихI, – пиш тIий бур ттуцалсса ихтилатчи.

– *Буси вила студентсса оьрмулия, аспирантулия.*

– Ттун пахру бур нава республикалул яла цаныхми кIива вузраву дуклай бивкI-

шиврия. Хъама къаритай ттуйнма хъун-масса асар биян бувсса Пединститутрал хъунмур зданиелувун нава студентнал билетрацал ва зачётный книжкалуцал бувхсса чIун, яла ДГУ-рал бусалардавун багъсса юрфакрал корпусраву дуклакисса чIунгу – на цIанагу гиву зий бура. Дуклаки шиннардий дакIний ливчIмур цири учирча: жула преподавательтурал лекцияртту, миннава цаппараннашалсса вихшалдарайсса ихтилатру, зачётру ва экзаменну, яла-яла – миннуйн хIадур хъанахъаву. Студентътурал дусшиву, цалчинсса гъавасру. Жул курс бия ххуйсса, дуклан гъира бусса. Сайки циняв цала пишалуву хъхьичIунсса кIанттурдайн лавхъунни.

ДГПУ къуртал бувну махъ на жула райондалий кIира шинай учительнугу бивкIссара. Яла МахIачкъалалив кIурабавну, 1992-ку шинал хъхьичIунну къур-

тал бுவссар школалунсса психологтурал ДГПУ-лучИасса высший курсеру, 1992–1995 шиннардий Даггосуниверситетрал педагогикалул ва психологиялул кафедралул очныйсса аспирантуралулу дуклай бивкИссара, га кьуртал бувну махъ зун бивкИссара ДГУ-раву педагогикалул ва психологиялул кафедралый преподавательналул кьуллугърай.

– *КИва аспирантуралулу дуклай! Ссан хас дурну дуссия вил кандидатшиврул, яла докторшиврул диссертацияртту?*

– Тайлассар, кИва аспирантуралулу, амма кандидатский дуруччин хьхьичИ ттун ттула цалчинмур аспирантуралува гьан багьуна. Иш-тагьбар мукун дагьуна. Гьарца кИанай бивкИайхха цала вивсса ссивчИурду, интригартту... Ттула элмулул давриха на цамур аспирантуралулу зун бивкИра, юридический элмурдал кандидатшиврул степень ттун буллуссар Кубанский государственный университетрал диссертационный советрал хИукмулийну. Му диссертациялул тема дуссия «Проблемы профилактики преступлений среди школьников в условиях рыночной экономики по материалам Республики Дагестан» тИсса. Ттуяр хьхьичИ му темалуха зий сайки цуцIав акъассия, амма цурда проблема мудангу дуссия, хIакьинусса кьинигу му мура куццуй актуальныйну дур. На бивкИссара ДГУ-рачИасса Диссертационный советрал ученый секретарнугу, жагьилсса элмучитурал элмийсса захIматру бивщусса сборникирттал жаваблувсса редакторнугу. Элмийну на каялувшиву дурну дурурчуссар сайки 30-ннийн бивсса аспирантътурал ва соискательтурал юридический элмурдал кандидатшиврийнсса диссертацияртту.

Муний гьашиву кьадурну, на зий бивкИра ттула элмийсса хьиривляявурттаха. Юридический элмурдал докторшиврийнмур диссертация дурурчуссар М.В. Ломоносовлул цIанийсса Московский государственный университетрал Диссертационный советрал заседанилий. Шанна шинавату хьуссара уголовный праволулул ва криминологиялулул кафедралулул профессор.

– *Интервью ласун хIадур хъанакъийни, на вил кьуллугърал сияхIрацал кIул хьура. Ина чивчуну бур 200-нния ливчусса элмийсса статьярдуду, ина бура «Наука Красноярья» ва «Социально-политические науки» журналлал редколлегиярттал член, «Региональные криминологические исследования» журналданул хъунмур редактор. Хъунмасса асар биян буллай бур балугъравун кьабивминнал дянивсса преступнотьрал проблемалун хас дурсса вил публикациярттал аьдадрал ва миннул даражалул. Ти вин так академикнал звание ласун дур. Дурив вин ххаршиву ягу пахру вила хияллаву бивкИсса даражалийн бивария? Ина бусса оьрмудухун дукжаврил ва карьералулу пикрилий бивкИсса кунмасса асар хъанай бур... Вилмур оьрму? Цалчинми ччаврил асарду...*

– Тайлассар. На ттуятува нава рязиссара, Элмурдал академиялулу член хьунсса хиялгу буссар. Элмийсса степенну ва кьуллугъру, уртакътурал ва студентътурал чулухасса хIурмат бакъа-сса, ттулу хьунни нава заллусса ххуйсса кьатта-кьушгу. Бахтти бавчусса кунма бурхха! Амма ттун ялагу цирив диял хъанайдакъая. Ттулгьанминнангу, ттунмагу чIалай бия шар хьун аьркиншиву, хъаннил яла хъунмур бурж биттур бувну оьрчIал нину хьун. Му чIумалли мийжаннугу мурад булунтИсса. Ца уссия сектор Газалияссагума, армани мархри бусса. Амма га, цала тихунай лавгун, оппозициялулвух хIала хьуну, дуснакь увна. Жул контактру лируна. Нагу шар хьура экономист, предприниматель Оьмар Маммаевлун. Жу буру личи-личИсса миллатирттаясса, лас лаккучув, на – лезгиридуш. Жул дянив хьунни арс МахIаммадшяпи. Гагу юрист хьунссар тИсса умуд бур.

– *Преподаватель хIисаврай ина ци мас.ихIат бавияв юристтал хъанакъийминнан?*

– Цусса технологиярттачалсса информационный заманалийгу первоисточникирттачал кIул шаврил хьуннасса агьамшиву дуссар.

*Виолетта Ратенкова*







### *Гъану – халкъуннал балайри...*

– На ттула буттал улклуйх гастроллай чъявуну лагара. Халкъуннал балайрдал хъирив багъну, хъхъичавасса балайрду кълнахь цлухху-бусу буллан биклара. Ттизаманнул автортураву ур ттула уссугу, Надирбаг. Ганал чичай ттул балайрдансса музыка, – тлий бур Марьям.

Композитортураву балайчи личи уллай бур Къасум Махаммадов, му ур фольклор батлай. Текстру чичавриву ванил хъхъичлун ласлай бур Э. Аьшурбекова, А. Алимуратова, жагылсса автортураву хьунабакълай бур тлар гьунар бусса автортал.

Марьям буслай бур, хъхъичва цила чъявумур члумал эшкъи-ччаврил балайрду учайсса бивклшиву. Ми бакъагу чара бакъархха! Яла, профессионализм лахъ хъанан диркълукун, ванил репертуардануву хьуну бур щаллу бан ххишаласса гьунар аьркинсса балайрду-пикрирду, балайрду-исповедьру, балайрду-насихлатру, патриотический композицияртту. Миннул инсантураву чантI учин буллай бур яла хъинми асарду.

Цлухлай бура, цуми тамашачитал винма бусраври тлий. Ва, пикри буллайгу бивклун, яла тлий бур:

– Пикри байми, поэтнал, композиторнал ва исполнительнал куннацлун кув бавкъусса гармония асар шайми. Му члумал бур мурад барт лаглай, винмагу чалай бур гай композициярттал ялув хлазран зий къабивклшиву.

Балайчинах вичи дишин бучлай личи-личисса публика. Миннав у бур жагылмигу, дянивсса оьрмулдумигу, бугъарамигу. Марьям хларачат буллай бур цумацанналгу дакнивун ххуллу ласун, цила концертрая инсан рязину, хъинми асардал виувцлуну гьаншиврул: инсантурахсса ччаврил, рахлму-цлимилул, хъинмунийнсса хьуллил.

Залданушал хлалану зун бигъану къабиклай тлий бур Марьям. Инсантал биклай бур бигъалаган, амма цавувами пикрирдая мурахас хьун миннан бигъану къабиклай, хъинну захлматну биклай ми «бассан» бан.

### *Творчестволуду лахъшиверул дазу дирхьуну дакъассар ...*

Балайчи бюхъайссар хьун яла архми шяраваллаву, циняв буссар «жула Марьямлух» ссавур дакъа ялугълай. Ва буссар цинянан ххирану, циняв хлайран буллай. Ванил лагма даин творчестволуд атмосфера хласул хъанай буссар. Гьарца кланай: Аьрасатнал «Голос. Дети» конкурс дузал давривугу, дагъусттаннал балайрдал конкурсирттайгу – мудан ва буссар гьунар бусса, хларачат байсса исполнительтал ляхълай, гай хладур буллай, гайннан лахъхьин буллай, цайминнал увкуми балайрду къатлий, цанмалусса, инсантуравун шавкъ рутайсса балайрду тлун. Творчестволуду дурмуний гъашиву дуллан аьркин бакъашиву бувчин буллай, ва бур цала даву дуллан аьркинссар му тлаавну диклансса даражалий тлий.

– Ттул даврил яла хъунмур стимул – тамашачитуран ттула балайрду ххирану бушивур, мунияту на лавай хъит тлий бура, инсантал гъаваслан булладимунийн. Мыйжаннугу, – тлий бур Марьям,

– так халкъунналли культуралул фонд, аьдатру, ас-намулал гъанурду сакин байсса, миннуьри лавгмургу, жуйвамургу, бучантИмургу бавцусса. Мунияту халкъуннал балайрдал чулхунмайсса интересу так хъунма хъанай бур.

Цанакулсса оьрмул ритм хъинну дирисса дур, мунил цила мугьру бихълай бур дагъустанлувнал мировоззренилийгу. Захъматну бур агъамур цирив личи бан. Ттул пикрилий абадлий зия къашайми затру дур цала чъаравми ххирашиву, ватан ххирашиву. Миннулли жунма кумаг бантисса лакъахлан, циняв захъматшивурттава буккан.

Кулпатрая цухлай бура. Ва бур пиш тий:

– Оьрчру ччаннай бавцуну бур. Арс Ахъмад полициялуву къуллугъ буллай ур. Душнил Мадиал пиша визажист бур. Лас, Неджеф, строительный компани-ялуву зий ур. Буссар оьрчал оьрчругу... Цуксса хлайпнугу, кулпатрах багбай-кунсса къулагъас дансса чун диял къашай, – тлар ванил – Амма вайннайгур хъусса хлакьсса инсантал! Вайнналгу балай учайссар, так кулпатрал вив, ттул

концертный деятельностьгу вайннан салахъну дур. Ча, бюхъайссар ттуйн бахти-талихъ бусса хъамитайпа учин!

### *Къа этилог...*

Цуппа яхъанахъисса Дербент шагърулувух нанийни, инсантал ваничланмай хъанан биклай, ваничал сурат ласлай, творчестволухлу барчаллагъ тIун биклай. Республикалул лайкъ хъусса артисткал аникальныйсса члу цац ила миллатран бакъа, кIулну бур миллатру гъарзасса Дагъусттаннангу!

Цухлай буру, цила бучантИмур цинма цукун чалай бур тий. ГацIана жаваб дулунни:

– СахIналий...

Бувсунни цила тамансса творческий планну душиву, амма ми уттигу ашкара дуллай бакъар.

Жуннив кIулли ми душиву сольный-сса программарду, концертру ва чIявусса цусса, оьрму лахъисса балайрду...

*Аьйшат Тажудинова*



A woman wearing a brown hijab and a matching long-sleeved dress stands in front of a large, arched wooden door with intricate carvings. She has her arms crossed and is looking towards the camera with a slight smile. She is wearing a necklace with a large, ornate pendant. The door behind her features a central panel with a geometric pattern and is framed by a dark wood archway.

Нелли  
Мусаева

# Оьрму, къавтIаву, ччаву...

*Гьарца талихI бусса кулпатрал талихI цинма лавхъхъусса бикIайсса. Хачнува му култат ххишалдаран бухъурча кIия машигъурсса балетмейстерная, артистъная хъусса цIакъсса творческий интернационал союз, цивгу цала гьунарданийну цала ватандалийгу, цайми ацIвахъул билятирттайгу машигъур хъусса, ттури-азарахъул тамашачитал мухIру бусса.*

Му Мусаевхъал кулпатри.

Щар Наилят – Нелли Эдуардовна Мусаева, Дагъусттаннал паччахIлугърал Академический къавтIаврил ансамбль «Лезгинка»-дул балетмейстер-постановщик, миллатрал къавтIаврил школа-студиядул преподаватель, ДР-дул искусствартгал Лайкъ хъусса ишккакку, «Выше гор» тIисса концертный программалухду Аьрасатнал ХIукуматрал культуралул бутлугу ларсъсса Премиялул лауреат.

Лас – МахIаммадмурад АхIмадович Мусаев, Дагъусттаннал лайкъ хъусса артист, балетмейстер-постановщик, каскадер, хореограф, сценарист ва режиссер, творческий даврий зузисса 50 шинал мутталай личIи-личIисса шиннардий каялдушиву дуллай ивкIсса «Авадан», «Муртазеки» ва цаймигу творческий коллективирттай, «Дагъусттаннал рухI» тIисса премия ларсъсар.

ПачIу Мусаевхъал жула республикалийсса личIи-личIисса ансамбльлан дузал дурссар 200-нния личIусса хореографический постановкартту. Му бакъассагу, вайннал къавтIавуртту дирхъуссар ПаччахIлугърал опералул ва балетрал театрланувугу. Татарстаннайсса «Казань» ансамбльданувугу хъуннасса хореографиялул полотно сакин дурссар.

Мурадлул ва Наилятлул пачIу хъуну дур 35 шин. Вайннал дахъва жагIилшиврувун буххайхтува цала оьрму хас буну бур миллатрал къавтIаврил искусстволун, амма вайннал цIакъсса култат пачIун буллай бур ччаврилгу, акъилшиврулгу, куннал куннаха хIурмат бушиврулгу, дакI тIайлашиврулгу. Вайннал днийв кIия арс хъуну ур, нитти-буттал ххуллу къабу-

гьарчагу, вайгу хъинну авурну къавтIун бизайсса бур. Мусаевхъул цала талихI дузал буллай бивкIун бур анавар къабувккун, чарий чару бихълай, Тарки-Таулийсса цала лазиларкъусса къатри кунна.

– Ттухъ цIуххирча, кулпатрал талихI – му ссавурди, куннан кув бувчIавур, хIурматри, куннал чIарав кув бацIавур, ччавур, цаннахлу цаннал жан дулун хIадуршивур, – тIий бур Наилят. Ва жан дулаврия тIисса хIазран бакъар. Мурад Мусаевлун щар хъанахъийни, Нелли Колесниковал, ганал фамилия дакъасса, къамул дурну дур ганал дингу – ва хъуну бур республикалий цалчин хиджаб лархсса ва чак буллалисса артистка. ТалихI бусса кулпатраву цимурца амсса бикIан аьркиншиврий ва дакI дарцIуну бур.

Артистътал хIисаврай гьарца къавтIавугу, балетмейстертал хIисаврай гьарца постановкагу Мусаевхъал цавухра дуккан дайсса диркIун дур, цала давриву дакI дирхъуну.

– На паракъатну бургара тIайлабацIурттахгу, тIайдакъашивурттахгу – мигу чан къашай творчестволул инсантуран. Мурадлив творчестволул иширттаву гьалак уккайсса ур. Ванал гьунардуну чIавур. Ва ур ххаллилсса къавтIала ва балетмейстергу, ванал сурат дишай ва тIаннуй къалан битай, джигитовкалувугу виртуоз ур, – бусравну ва пахру къабувну цIа дуллай бур кулпатрал залунная хозяйка. Багъу-бизулуву ласнал тIинийх нанисса култат бунугу, кIицI лаглай бур цала оьрмугу къасса паччахIххуллу бакъашивугу. Шайсса бур бакъа-къабакъавурттугу, амма – так даврил хIакъираву. Вайннал къушлий хореография – му бур мудансса конфликт,



Станиславский! Ча кунма – кIива мурад цаннийн ца щаву!

Наилятлук вичIи диширча, Мурад художник куна наброскартту, пилча щавуртту дуллай ур, фотограф куна так детальлай ацIлай ур. ЧIявумур чIумал Мурад ми детальлал ссиуцIин уллай ур. Вай укунсса бяс-ччаллал бувгуну бусса бур вайксса шиннардий вай творчестволуд инсантал! БикIай лас-щар, инсантураву буний, цанналцанная къабатIавай, цала нахIушиву мяш тIисса. Мусаевхъул мукунсса бакъар. Цала асарду вайннал пардавуд махъ кIучI бай. Наилятлуд бувсунни цала кулпат бувсса куц ва цу-ппа МахIачкъалалив цукун багъсарив. Бувну бур Нелли Хасавюртлив. Нину диркIун дур яла бюхттулмур разрядрал повар, ппу – музыкант-баянист. Ванин артистка хъунсса пикригу къабивкIун бур. КъавтIун бизлан бивкIун бур хъуними классирттаву – «Молодость Дагестана» ансамбльданул репетициялийн подру-

гал овкуну. Найбунава Нелли къавтIаврил ххуттавун багъну бур, сукку-къютIу лавхъхуну бур... Мичча байбивхуну бур цимурцагу... Грозналийсса культпросвет училищелуд хореографический отделений дуклайгу бивкIун, 1984-ку шинал августрай бувкIун бур МахIачкъалалив, кастингравугу гьуртту хъуну, къамул бувну бур бусаларттавун багъсса «Лезгинкалудун», чурххал лахъсса бакъанугу. «Производствалия» якъабувцун, бувххун бур Орёл шагърулийсса ГИТИС-рал филиалданувун, хореографиялуд факультетравун. Вуз къуртал бувукун, бивтун бур цал ассистентну, яла балетмейстерну. Мурад, та чIумала машгъур хъусса къавтIаврил постановщик, кIудну ивкIун ур цацIусса концерт-солянкарттавусса даврийхчIин, микку я бияйхтува хъусса ччаврия ихтилатгу бакъар. Миннал дяних цIу дирчуну дур Италиянаву гастроллайсса чIумал, фольклорданул коллективирттал фестивальданий.

Нелли ва Мурад бивкун бур «Молодость Дагестана» ансамбльданул составраву, «Лезгинкалуд» гастрольлал лях гивугу зий. Тай шиннардий артистнал харж 100 кьурушраяр лавайсса кьабивкун бур, заграниездкарттай суточныйрду валюталий дулайсса диркун дур. Миннух дефицит машин ларсун яла шарда шамлину ххирану даххан бюхълай бивкун бур. Мискинсса артистьтуран доходрал гьанумур шарацигу му бивкун бур.

Микку подругахъал, гай цивпагу бивкун бур кьолтпру вайннан мугьшиву дуллай, Неллирив ккаккан ххуйсса бунугу, цичана цуцлав гьан хьун кьаайсса буну, ганий ядуб бивхуну бур дусшиврий Мурадлул «хъирив бацлан», ганал шалва валюта дустурашала кайпшайпран гьан кьабан. Утгинин чявусса билаятирттайн бивсса Неллин тлалавсса хъуслия ххуйсса кьулшиву диркун дур, увцуну ур Мурад базалувун. Бюхъай гьаминмунамуаякьалулурганувнуикан хъхьичунсса артист – акъарив исвагысса чурхгу, бюххану ябитавугу – ми «хъус» балетрал артисткахъавугу ххигу чяруссар. Неллин хьинну пахру бивкун бур гьалмахчувнан аьркинсса машай дурксса хъус ласун кумаг цила баврия, амма, шапнай кьурабавукун, гай итальяннал поло-гьухъри ххал хьуну бур циняв фестивальданийн кьабагысса кьулминнай! Мурадлул ми, фантикру кунма, чумартну цинянайх бачуну! Яла, «разборкартту» дурну махъ, гай ласшар хьуну бур!

Ялагу ца хавар. Чявусса артистьтуран дакний буссар Мусаевхъал ца арс шава дуняллийн цукун увкссарив. 90-ку шиннардил дайдихулий анавар кумаграл машинартту, хлакинтал, даруртту биалсса кьабивкун бур. Бивкун бур ноябрь, хъху, хъунмасса марххала. Кичиртту марххалтанухъхун лавгун, машинартту кьазанай, инсанталгума кьатув кьабуклай. Роддомраин ссайри гьангисса? Мурад увкун ур чаххурайсса акушерка бувцуну, ганицун виричуну цалагу кумаг бувну бур арс дуняллийн уккан ан. Ур да цимурца кьулма!

Мурад цува увну ур Лавациял райондалийсса Хахита тисса шяраву, амма хъуна хьуну ур Махлачкьалалив Ххюлчинмур поселокрай. Кьулли ниттил мазяру маз, дарги ва кьумукь мазру. Ванал

нину диркун дур Паччахьлугьрал байлайрдад ва кьавтПаврил «Дагъусттан» ансамбльданул балайчи, вагу, школа кьуртал бувукун, гава ансамбльдануву кьавтун увкун ур. 1980-ку шинал кьуртал бувну бур Культпросвет училище. 1989-ку шинал Фрунзе шагьрулий батальный трюкирттал съемкарттал студиялий стажировкалий ивкун ур. Гьуртту хьуну ур художественный фильм-мардаву – «Сказание о храбром Хочбаре» ва «Битва трех королей». Фильм ласлай бивкун бур мукьва билаят – Марокко, СССР, Испания, Италия. 2018-ку шинал ва каялувчисса «Авадан» ансамбльданул Саодьхъал Аьрабустаннай Гран-при ларсун дур.

Хлакьину Мурад Мусаев чялишну зий ур жяматий давриву, ва ур «Традиции» тисса телепроектрал автор. Амма ванал личиссагу дур шавкъ – дучри! Ванал жучлара джигитовка утта дуккан дурну, сакин бувну бур «Муртазеки Дагестана» тисса каскадер-буртигьалтрал группа. Мурадлул яла хъунмур оьрмулул хиял бур Дагъусттаннай дучрал театр дузал баву.

– Владикавказрай дучрал театр тивтиссар 1989-ку шинал, на Турча му предложениелушал хъуниминнайн увкссара 1985-ку шиналва. «Перестройкалуд» заманнай цичлав кьавхъуна. Ларгунни мукьйла 10 шин, тлайлансса линиялий (прямая линия) Дагъусттаннай дучрал театр баврил хлакьираву на Сергей Меликовлуйн увкссияв, му ттушала рязи хъуна. Пикри буссар театр Дербентлив, хъхьирил зуманив титтин. Мунивун буцлациссар наездниктал, акробатгьал, балетрал артистгьал ва 20 чу. План дуссар Дагъусттаннайхгу, Ухсавнил Кавказнавухгу, мукунма шалва Аьрасатнавухгу гастроллай занан. Кьулну биклича жуцлава мукунсса театр бушиву! – кьуртал бунни ихтилат Махлammaдмурад Ахлмадовичлул.

**Мусаевхъал планну чярур. Вайннал хъхьичл бур цусса постановкартту дузал даврил, арсру кьатлул баврил, арсенал оьрчлру ва минналгу наслу ккаккан нясив шаврил планну. Жувагу чла учинну циняв вайннал мурадру шаллу шаву!**

*Виолетта Ратенкова*

# Цухълул луттиравусса щарсса



Гъарица хъхьичIарасса дагъустан шяраваллил бухъунессар цила тарихра-ясса бусала. Масала, яхъуну бур хъинну аькълу бусса бусала XVII-мур векрай, бюхъай мунияргу хъхьичI, КIаратIиял цала жяматрава Сивухъиял шар лихъан давриясса, му цурдагу диркIун дур цIакъ-шивуртту дусса шар (Сивухъ тIисса «къалалучIа» тIиссар). 1940-ку шиннардий, экспедициялудуву шяраваллил бугъараминная цанма бавсса бусалалул цаппара вариантру чивчуну бур этнограф-кавказовед Е.М. ШиллингIул – ми бившуну бур «Народы Кавказа. Малые народы Дагестана» тIисса луттираву.

Яла балжимур ва «магълуха лар-хъхъумур» версия, никирая никирайн най, яхъуну дур Сивухълив цивура, шяравалугу, XX векрай хъусса иширттайну къадар мукун багъну, цIана дур Хасавюрт-уллал райондалий.

Буслай бур, хъхьичIа заманнай сивухъи хъинну биргъаравсса, цIаххувсса шяраваллан дигъалагру къудуллалисса, хъямалашиннардахун багъсса, КIаратIату Буцихъун нанисса ххуллул ялув бавцIусса агълу бивкIессар тIий. Миннал чIявусса дучригу бивкIессар тIар. БакIрай бюхъай Сивухъиял шар дурну диркIун дикIан жямат буруччиншиврул, мунил форпост хIисаврай. Мунияту бухъун-

ссия мукунсса мугъру хъусса миннал хасиятрай. Цайми шархъащалгу миннал бяс-ччаллу шайсса бивкIун бур, хъуру дугъансса аьрщи къянатсса душиврийн бувнугу.

Сивухъиял азгъуншивурттая чIаххул бизар хъуну бур. Миннал ссавер духра ларгун дур, Анчихъатусса, цала оьттул-чув ивкIусса жагъил миннал ивкIукун.

КIаратIи, Анчихъ, Инхело шяраваллал агълу цахъуну, сивухъи лихъан бансса макру щавшун бур. Гайннал ивкIусса жагъилнал нину, цухълул лугу цийва лав-ххун, дуркIун дур шяраваллил зуманив. Му муксса усттарну цила роль дургъуну диркIун дурхха, арантал мунил хъирив багъну бур, му мийжаннугу цуша ххай. Вай цухълух луглай бунува, шяравун ургъунчитал бивкIун, шяраваллицIух цIу шуну дур. Цимурца ччурчуну дур.

Мунияр махъ чIявуми сивухъи Гумбетрайн бивзун, тийх цIусса шар дурну дур. Цаппара кулпатру, тиккува бавцIуну, арх дакъа цIусса, Рачаболда тIисса шяравалу дурну дур. Шамулчинмур бутIа чачанна-вун бивзун бур, уттигу тийхва бур, тайн-нал наслудунгу кIудну бур цала КIаратIа-тусса мархрая.

*Гульнара Асадулаева*




# Путь мудреца

*Представьте себе небольшой скромный домик в лесу, неподалёку от села Хтун. Ни компьютера, ни вай-фая, ни – упаси боже – телевизора с широченной диагональю. Даже современной мебели-то нет. И в этом доме уже много лет живет Ахмедов Ахмед Рамазанович, человек, который одним из первых (а может, и самый первый) стал обучать в Дагестане йоге, восточной медицине и воинским искусствам. За долгую практику он помог многим людям избавиться от различных заболеваний, при этом не отправляя их по аптекам покупать «милльон антибиотиков и еще две витаминки». И хоть сейчас Ахмед Ахмедов в преклонном возрасте, он по-прежнему готов помочь всякому, кто в этом нуждается.*

Восточными практиками Ахмед Рамазанович заинтересовался еще в студенческие годы, в Тбилиси. Он с энтузиазмом накидывался на любую литературу, посвященную восточным единоборствам, йоге и управлению внутренней энергией. Просто грызть гранит науки ему было

неинтересно, поэтому он использовал полученные знания на практике, выясняя, что работает на «5+», а чем можно и пренебречь без особых потерь для общего результата – повышения качества жизни. Причем не абы каким образом, а через усиление силы духа, мысли и физи-



ческого здоровья. В итоге к тому моменту, когда Ахмед Ахмедов переехал в Дагестан, к концу 60-х, у него уже сформировалась концепция собственных тренировок. Со временем она видоизменялась и совершенствовалась, ведь, приступив к обучению своих учеников, Ахмед Рамазанович продолжил экспериментировать, решив объединить на тренировках боевые системы, йогу и медицину.

– Это все тесно связано, – объясняет Ахмед Рамазанович, – воин должен быть здоров. И на физическом уровне, и на духовном. Если его изводят какие-то болезни, он не сможет реализовать себя. Если его одолевают какие-то внутренние демоны – тоже. Он должен быть развит всесторонне. Давайте посмотрим на ситуацию и с другой стороны. Вы поддерживаете здоровье. К примеру, с помощью йоги и, скажем, тибетской медицины. Но

вот незадача – однажды в темном переулке вы сталкиваетесь с парочкой хулиганов, которые могут ваше здоровье угробить. Как быть? Нужно уметь сражаться. Поэтому боевые системы тоже важны.

Из восточных единоборств Ахмед Рамазанович сделал выбор в пользу карате (стиль шотокан). При этом свою секцию он называл то самбо, то дзюдо, ведь карате в СССР было официально запрещено. Сенсей никогда не давил на своих учеников, гоня их до седьмого пота, поскольку считал такой метод ошибочным: «Нельзя слишком форсировать события. Многие тренеры хотят, чтобы их воспитанники быстрее чему-то научились, стали физически мощнее, поэтому сильно их нагружают. Но это пагубно сказывается на здоровье человека. К физическим нагрузкам нужно подходить очень аккуратно. Иначе в будущем можно поплатиться. Сове-

менный спорт – это не про здоровье. Это про завоевание медалей. Каждому, конечно, свое. Человек хочет блистать на соревнованиях? Пожалуйста, его право. Но я всегда думал о здоровье своих учеников, а не об их победах на различных турнирах».

Еще одно незыблемое правило сенсея – никакой агрессии. Воинское искусство создавалось не для нападения, а для самообороны. Настоящий воин спокоен и справедлив, умеет держать себя в руках и вообще обладает философским складом ума. Стремление причинить кому-то вред – это не про воина, а про хулигана. Поэтому Ахмед Рамазанович всегда стремился развить в своих учениках еще и морально-нравственные качества.

– Конечно, я понимал, что ко мне на занятия будут приходить люди, которые захотят использовать полученные навыки в каких-то эгоистических целях, – вспоминает Ахмед Ахмедов, – но таких было легко распознать. После общения становилось понятно: этот человек может использовать силу не по назначению. Таких я тоже не спешил выгонять – обучал каким-то приемам, но легким, какими нельзя навредить. Почему сразу не прогонял? Надеялся как-то повлиять на него, показать ему правильный путь. Ведь дело учителя – не взять человека за руку и повести его к конкретной цели. Нет, конечно. Человек сам выбирает, как и куда ему идти. Учитель может лишь направить. Подсказать. Все остальное должен сделать сам ученик.

Сейчас Ахмед Рамазанович занимается в основном оздоровительной практикой. И между прочим, считает, что безнадежных случаев практически не бывает – как бы человек ни хворал, ему можно помочь. Другое дело – в каком возрасте человек решил взяться за здоровье. Ахмед Ахмедов не пичкает людей лекарствами. Узнав, в чем конкретно проблема, он предлагает особую индивидуальную систему упражнений, дает советы по питанию – и всё это не очень походит на типичные рекомендации врача.

– Человеку иногда сложно поверить, что он может избавиться от болезни и вернуть себе здоровье без всяких уколов,

капельниц и разных медикаментов, – объясняет Ахмед Рамазанович, – он может удивиться, что очень важно следить за своим дыханием, что помочь могут определённые массажи и травяные настои. И чем больше человеку лет, тем сложнее его мозгу воспринять эту информацию. Были, конечно, те, кто скептически относился к моим предписаниям. Но я никогда и никого ни в чем не убеждал.

Почему люди сейчас так много болеют? Причин много. Посмотрите, как мы живем. Постоянно в стрессе. А ведь негативные эмоции сказываются на нашем здоровье. Скажем, гнев плохо отражается на печени. А еще глянтьте, чем мы питаемся. Немногие знают, что питаться лучше всего фруктами и овощами, которые растут не дальше 500–700 километров от местности, где родился и вырос человек. Мы часто едим что-то, что привезли издалека. В магазинах полно чего-то экзотического, не растущего в наших широтах и при нашем климате. Организм не очень хорошо принимает такую пищу. А еще люди стали все сильнее отдаляться от природы. В городе какая природа? Чем вы можете помочь себе прямо сейчас? Возьмите за привычку хотя бы раз в неделю выбираться за город.

Сейчас Ахмеду Рамазановичу уже 85 лет. А люди, желающие чему-то у него научиться, подправить здоровье и вернуть молодость, по-прежнему приезжают к нему из разных уголков России. И он всегда готов их принять.

**За время своей практики Ахмед Ахмедов накопил множество знаний и сейчас стремится их систематизировать. Возможно, в будущем он даже сведёт все накопленные знания в одну рукопись и издаст ее. Случись такое – у этой книги непременно найдутся благодарные читатели.**

*Руслан Бакидов*

# С наступающим НОВЫМ ГОДОМ!





Приближается 2025 год... Прошла уже четверть от нового века – было много разных событий, и радостных, и печальных. И сейчас в мире неспокойно. Но наши сердца живы надеждой... Надеждой на то, что под мирным небом вновь зацветут сады, будут рождаться дети, будут строиться дома... Надеждой на то, что вернуться все, кто вышел из родного дома... Надеждой на то, что жизнь подарит нам всем ещё много счастливых мгновений! Новый год – это возможность начать все заново, и пусть это новое приносит только мир, добро и счастье! С наступающим, дорогие друзья!

# Пальтары, человек «с больной ногой» и шуточное воровство


## Как проходят кубачинские свадьбы

Праздновать свадьбу один день? Да какой кубачинец на такое согласится? Нет уж! Земляки засмеют, или того хуже – осерчают. А потому кубачинская свадьба длится три дня и ни секундой меньше.

В первый же день молодожены с помощью родных и местного муллы совершают религиозный обряд бракосочетания *магьар*. После чего отправляются всей честной молодежной компанией отметить это событие танцами на природе в окрестностях села. Позже жених возвра-

щает невесту домой. А уже ближе к вечеру отправляет туда своих родственников с подарками – калымом. Примечательный момент: число родственников и подарков обязательно должно быть чётным. В калыме, помимо традиционных украшений, идет комплект праздничной кубачинской одежды: парчовых платьев, платков и вышитых головных уборов-покрывал.

После того, как сторона невесты примет родственников жениха, вкусно накормит, рассмотрит калым и даст со-



гласие, официальная часть первого дня заканчивается. Когда родственники жениха собираются домой, им дают чашу, наполненную яичным курзе или белым пловом. Это символ достатка. Чаша эта передается непосредственно в руки жениху, что тоже символично. Таким образом, он принимает согласие со стороны невесты. Вслед за этим снова начинаются танцы, которые могут продлиться до поздней ночи.

Второй день – основной день свадьбы. Он проходит в доме жениха – во дворе либо на любой близлежащей ровной площадке села. Накрываются столы, и уж будьте уверены, пустовать они не будут (какой бы зверский аппетит ни был у гостей!) По старой доброй традиции столы заставят всевозможными угощениями: от курзе и плова до чуда с разными начинками. Одна из особенностей второго дня свадьбы – ряженые, пальтары. Как правило, это переодетые друзья жениха. Они надевают на себя потёртые белые рубашки, поверх них – кольчугу, а лица прячут под войлочными масками, разрисованными белыми полосами. Они не только танцуют вместе с остальными гостями, но и развлекают их: шутят, балуются и стараются навести «свадебную суету». В определенный момент жених должен загнать пальтаров домой, иначе они разгуляются, станут хулиганить и будут мешать свадьбе. И если вы думаете, что пальтары «сдадутся без боя», вы сильно ошибаетесь. Начинается шуточная борьба, в которой побеждает, конечно же, жених (и гости, бросившиеся ему помогать), но для достижения цели им придется попотеть. Впрочем, «проигравшие» пальтары сильно не горюют – по традиции их хорошо угощают, чтобы «задобрить».

Еще до прибытия невесты специальная делегация с её стороны приносит первую часть приданого: сундук с постельными принадлежностями. Вторая часть прибывает на следующий день. Ну, а вечером стороны жениха отправляется за невестой.

Невесту к этому времени одевают в традиционный наряд уже замужней кубачинки, принесенный стороной жениха за день до этого вместе с калымом. Когда



невесту выводят из дома, первым человеком, который встретится ей на пути, по традиции должен быть тот, кто сильнее всего желает ей счастья. Как правило, это её отец. Силу материнской любви никто не оспаривает, но тут вот какое дело – мама помогает дочке собираться. И следовательно, поджидать ее возле порога не может. Отец встречает дочь с кувшином с водой: чтобы жизнь его дочери в новом доме походила на чашу, наполненную счастьем, любовью и процветанием.

Невесту к дому жениха провожает целая процессия. А впереди нее обязательно идет женщина (родственница со стороны ее отца), которая несет в руках платок, – в него замотаны две бараньи кости и два хлеба. А перед ней мужчина с ковром в руках. Этот ковер расстелят в доме жениха.

Перед тем как невеста пойдет в свой новый дом, мужчина с ковром падает перед ней и мешает переступить порог. Он изображает боль в ноге. Чтобы «вылечить» ее, сторона жениха одаривает мужчину подарками.

Когда мужчина, которому «внезапно стало лучше», встает, невеста заходит в дом и ее усаживают в угол, по правую сторону комнаты. Мама жениха приветствует новых родственников и угощает



всех медом. Первая ложка, естественно, достается невесте. Раньше новобрачных оставляли дома, и никто их не беспокоил до следующего дня. Но сейчас друзья жениха и невесты частенько бегут к молодоженам, и невесте приходится сразу готовить хинкал.

В третий день новобрачных поздравляют. Основное действо происходит в доме жениха, где собираются родственники с обеих сторон. Молодоженов задаривают подарками и желают им счастья.

Чуть позже невеста снова надевает свадебный наряд, который дала в приданое ее мама, и исполняет свой первый танец в статусе жены.

После этого ее родители возвращаются к себе домой и ждут молодоженов и их близких в гости. Когда они прибывают, сторона жениха, как правило, исполняет шуточный обряд: что-нибудь крадут из дома родителей невесты. Это, к слову, может быть что угодно, хоть телевизор со стены, хоть ковер прямо из-под ног отца невесты. За «воришками» обычно кто-нибудь гонится, но украденное на место не возвращают, такая «добыча» уже принадлежит молодоженам.

Перед тем как молодожены отправятся домой, мать дарит своей дочери и зятю какие-нибудь предметы, которые в их роду передаются из поколения в поколение. Чаще всего это антикварная посуда.

На этом свадьба официально подходит к концу. А в Кубачи появляется еще одна счастливая семейная пара.

*Руслан Бакидов*







ИНДЕКС ПМ827

*М.-А. Джамал. Зима в Анди, 1932 г., картон, масло, 66 х 47,5 см, КП-425, Ж-339 (2)*



4 651116 280082

Свободная цена  
6+